

幼
學
堂
詩
稿

幼學堂詩稿

丙寅至
戊辰夏

吳縣 沈欽韓 文起

讀三國志

宰制有長算疆場無細求吳蜀固膠漆吉利肝食憂阿蒙
本無賴快意自樹讎蜀敗吳亦絀懔懔成瘡疣聊復習斌
嬾稱臣口吟憂斫案雄氣縈拜著鱗子裘遺孽遂鴟張高
揖南嶽劉那得便無事淮渦駕龍舟幸賴江州戍終亦通
賓振危哉子揚計傲参指顧收我獨笑紫髯雌黃殊繆悠
王霸操大略子敬真寡儔當時九錫至空貽將相羞
達人貴知幾要以慎爲本況乃處亂世夢寐猶難穩雅尙

阮嗣宗元遠折華袞無何步兵釀洞達東平相肝肺寓古
詩微辭示忠悃俗士雖致讎吏議莫能覘哀哉正始後妻
孥博殄屯小同亦何尤鳩羽隕美狼所以寒貧儔清狂安
棲遯

大江春水生迴艫眩洪濶浩周議旣屈金車耳班蘭內難
一以彌天命乃妄奸往昔低屈趣權宜非厚顏諸君懷未
盡解說徒滿調遼東一介來聊欲洗宿癥夸辭告宇內九
錫加頻煩鑿空本抵欺萬人沒不還豈意六十翁鼠子散
面謾案劔指海隅怒氣涌如山英雄至末節耄荒良可歎
重令羅陽王酒食飫大官

牧牛主人招看牡丹

塵封筆研歎芳時
瞥過桃枝與柳枝
忍把餘春再孤負
牡丹花下試新詩

主人分我蒲團坐
滿院初榮映曲欄
花葉朝雲那可寄
一株合作夢中看

鄰甍尋香過小谿
酒龍詩虎惜分攜
搏搏缺月愁心似
禪

楊絮煙覓舊題

去年周保緒倪
穀民同宿是菴

錦障珠塵爛曉霞
幾叢深色鬪繁華
飢槃蔬筍招寒士
愧此人間富貴花

吳匏菴研歌

戴筐墮地作山骨萬指截破金藏雲尾龍珠鳳漫軒輊賢
姦入手聲價分高陽繆公遺片石棄若瓦礫慚羅文艸窗
亦研銅雀研渴吻碎落彪犀紋摩挹此研三災免墨華不
散書倉芸匏菴款識乃深刻風廊花霰含烟煨想當坐窗
課千紙呵凍十指寧辭皸一入玉堂批詔勅高捧侍史爐
香薰儒林丈人輝翰墨鄭重應策陶泓勸周生得之重拭
匪恍對良友誦皇墳發以於魯之蒼璧試以諸葛之卯君
旣非七客寮中玉帶生亦異疊山賣卜建陽軍彼皆酸楚
動天地淚痕血點研削勤幸逢盛世發鴻業新桐滴露窺
朝暉期生抱此來試席文思浩若臨河瀆螭均萬言獻天

子往軌重續中吳聞不願春蛇秋蚓書博士隄塵橫費白
練羣嗟我鑄鐵磨無力蹲循欲作君苗焚有似姜生寶頑
質快意擲裂思梁汾摩厓健筆不得逞縮手重累逾五片
案頭削脯封塵土安能匣以琉璃襲錦雲一研所遭有豐
嗇吁嗟萬事何紛紜

胥江別徐良卿

邗江淮浦故人多誰命相思慰鴛疴賴有徐卿挈艇子賣
花聲裏入煙蘿

櫻桃上市酒盈缸歸思如雲接潯江想得蘭橈趁新漲雨
聲半夜急篷窗

柳綿撲盡又黃梅印我青鞵沒舊苔聽雨樓中堪憶否新
詞爲乞賀訪回

絲絲雨腳濕春衫共約裁書月一函叩飲懽騰過棗市消
他雙燕拂輕帆

題寒山拾得圖卽效其體

飢拾冷廚糲飽向土窟睡打破虛空藏撒下方便智門前
冰猪牛噉艸識艸味堂頭老闍黎參佛昧佛義兩漢相視
笑隨衆看棚戲豐干舌莫饒彌勒杖不試但與自家人猜
著手中謎

吳文學詞

吳君奮單門讀書鮮邱蓋便腹驗橫王小冠識上兌五事
並轉圜千行下擊汰游心追樸學虛中叩爽籟考業數提
旬受故兼內外儲精急養羞飮理過甘帶涉獵病非醇譜
系慊所嘗初如承檐溜盎盎溢湧沛繼乃判周天日月悉
交醫部分農區秧縷碎饗斫膾浩若泛湖江畫若經畎澮
朱墨別巾箱甲乙及梵貝敗筆泣冢埋叢卷忤酒醅酸心
夜蜚啼聒耳春鷓噉盛壯懲囊錐投老恥拔旆敦敦仍書
案軋軋循衣衿苦吟頭毛宣勤抄手胝蛻鄙生笑自苦雅
材推無害米膺彼僅招魚汊我可勾深藜臥熊羆窺穴跳
颺颺潯猶號爲儒淫濫等自郇塞豆豔聾聵蔽葉精肺味

懷研驛郡計釋程列王會厚殖償呻吟繆種傳狡獪較量
固若何稟賦真無柰老幹兀部婁纖鱗躍汪濊四科未中
丙九品寧書最名不出鄉亭食僅充粗糲清齊白呼浮俗
物青輟暇塵談快追鋒鱗令嚴下瀨瞪盪嗤聽熒罰醵困
行躡心神奄殘殄桑景條晻靄戴鴛集集枕方相淚濕褊
殭殭幸求醫櫟絕遽告蔡吾鄉山水清羣士風聲靄方聞
圍術偏家法曹道泰佔畢詞稍屬掉磬氣已快廁岸聊遵
循廣輪孰沛艾強力若袁遺令模逾郭太睂黎期得延桐
子繫攸賴不其茁艸枯羽陵養蠹大虛堂歇弦誦遠隴黯
松檜士誅應書重堯典同飾祝哀詩代所旌幽竈庶可繪

徐良卿啖予松花餅以詩志之

有齒如冰爲甚酥
山中宰相應清癯
屑金略用紅絲確
煮玉全同蒼壁模
十字珍難薦豪饌
一甌香欲釀貧廚
牢丸閒向深宵說
風味應能似此無

良卿倣昆各以家醞見遺倣昆並致新茶一包

沈生塊獨掩蓬藿
耿黽跳階蜚網壁
纖風入林動屋蘿
簌簌梁塵惱幽寂
朝來婦愠數米炊
鴟夷臥牆燥不滌
飛花引纜驚鷗睡
唧唧甕頭香入鼻
胸中豈有過秦論
澆愁縈紆醪書味
君家蜀山雲子腴
親督阿段催秫租
卒歲粗了求釀法
每召嘉客開樽俱
三升日給不愁減
節量使我纈

暈臉周生夜航約書筒漉巾急致真珠紅預恐酒渴夢難
訴新芽鷹爪青箬籠貧家若此未會有傾貲入市魚貫柳
遙質古人共覆斗亦呼小兒得霑口書窗夜涼燈火親甕
甌銀粟注好春卻搜枯腸獲新句蚯蚓細竅同酸呻

題復社紀略

江西一艾老禿翁負氣毆擊陳人中文章論定千古事坦

白襟懷推夏公

陳黃門集告夏考功書稱其與人交不事吟哇周旋數子間多所匡救

堂前進饌驚座客儒林丈人越老成莫恨操戈福建子考

亭猶自困胡絃

周之夔閩人

二十四氣方齟齬朝局何堪艸野持諸公未覺將半過不

到蝗蝻箸錄時

金沙一周執牛耳一鼠一龍他日影閒殺駕湖好風月到
頭東市歎吳郎

舉基不定薰與蕕矣一男子衣冠羞二三子肯破門戶王

魏不聞嗤馬周

調陳啓新

磊落賈彪急師友棲遑郭泰操人倫峯陽論死石齋竄反
袂忽傷終獲麟

屠孝廉

傳

山水畫壁歌

屠郎健筆摩鵬翼屯朋篤論推富植少年不廉奄衆長繪
事猶與奚剛敵有時把卷對虛廊小閣松風撼四壁肺肝

勃鬱邱壑蟠急呼童奴具墨汁解衣槃礴睨久海山破
碎排檐入興酣益澆老瓦盆酒盡墨乾嵐氣濕樹神狂慙
雲將奔驚起睡龍拏爪立決眦自亦詫絕奇那怪觀者駢
肩脅是時林表天晶瑩曲江浩淼雁羣急千峯飛雪皆白
頭惟有此圖沈黛色羨君家在山水窟清蒼夙抱九仙骨
偶隨計吏跋黃塵一笑歸來洗袴鞬閒卻殿前作賦手元
氣淋漓不可伐五嶽滄洲搖筆來石林青逼捎雲鵲我放
西湖搖碧齋叩門淪茗飯筍蕨黃琉璃展當臥遊衆鬻樹
聽葡蔘發山紅澗碧紛在眼翻悔攜筇深嶂蹋况君論議
邁千夫頓使恂愁奮超越幼興莫將岩壑補細君睂翠頤

可挂我壁尚立揩蛛絲邀君醉筆寫天姥

不雨

日日密雲合老農閒倚鉏纔歡炊餅大更恐哺糜虛寬大
頻年詔凋殘比戶書平生憂國志不爲一瓴儲

六月三日薛翁招集園林

纖雲破白日市聲聽浩浩吾儕亦何營忘機狎魚鳥交道
自古難所適卽爲好久乃與髯翁樸僦置懷抱竹逕時得
尋酒尊頗不燥望衡四五人狎恰忘稚老鼈長蓼同濡菹
芋椒共擣語言或粲粲觴行非艸艸齊腸愧腐儒婪酣有
宿飽翻悲屠沽兒一飯令迹埽鼓腹誦陶唐矯首憂蒼昊

蘊隆旱勢成，僣子吁嗟禱耕犁。不傳土食新計太早，忍輟
康衢嬉而繪監門殍。賓筵良不易荒政，孰能考姦究卽思
逞城郭恐入保。要期幽雅吹秋社，重醉倒。

漫興

畫史閒題釋惠崇，酒徒剩覓斛斯融。亂雲商略前山雨，高
樹平分小閣風。散帙當窗驚走蠹，鍛詩欹枕惱飛蟲。歸牛
浮鼻溪頭過，載得斜陽一笠紅。

吾廬

屋老皺開栗牆，欹版不葺刮塵風。力暗承漏雨聲多病，要
青奴睡詩拈紅爻。哦細旃兼廣廈，杜老已蹉跎。

上岸仍思曼東頭卽士龍
仲耆吾道足衰滕古人容白鳥
喧瓜蔓元駒聚草茸山妻似鳩拙可但補蘿幘

初伏朱少尹招集塘灣別業

半天高柳捲芳隄如畫谿山綵筆題笥爲雷驚重迸土秧
因雨過得分畦雲生丹竈鍾吾暗波冷魚簑笠澤迷一醉
背騰欹短榻牽牛花下月痕低

汪上舍

正鑒

招集莫愁湖上作

青山埽黛拂簾鉤千頃琉璃瀉碧甌雨埽梁間秋燕影風
含江上白蘋愁采菱疊舸饒遊女臥艸平臺識故侯已自
蒼茫杜陵感晚霞如綺莫登樓

白門垂柳感離羣，俊侶詞場張一軍。
把酒共邀千里月，卷帷遙抹六朝雲。
扶風豪士蒼精劍，幾社才人白練羣。
待詠燭花雙蕊好，桂枝香裏更論文。

是日集者二十人皆上下江才士也。楊發後獲雋者

惟余一人

阻風段腰見竿縣髑髏與慎伯保緒晉卿聯句

挂席迎秋風，江流咽不下。
蕭蕭循荻洲，依依問漁舍。
霞已映餘暎，潮迴逐新瀉。
方舟一暫紱，野樹指孤跨。
寒燐睽星明，權火搖雲罅。
罅長年相人，偶無籍此梗。
化缺膏生安，逃竿首死未。
賞陳王詞，何傷蜡氏禁。
自詫蛛网儼，平槽鵠室峴。
並架投棘稻，芒胃染毛面。
具假睂見初，覆軾齒著今。
仰把

眼抉兇魄沈面創鬼箭射血漉蟻垤穿髮髻苔痕亞嚇腐
鳥不號箠枯馬仍駕虎跳電光搜蜜腊歎陽炙竅凹若剗
螺髻蝕如嚼蔗蜂刺知砭憚蠅鳴助嘯怕瓠落豈中浮柳
剖匪承醅揭書可傳觀函盛豈汝借獰颺怒獨旋血拇腥
相逐抱月柁樓窺蹴波菱旗研影駢露白初泣對燭跋乍
爛鼎壯士埋披羽獠婦嫁誰探赤丸起致盛革囊罷撫枕
夢詎通蔽月拜空藉籠昏杙投煙嘖亂鴝鷖夜長齟異伐
鰐剔臍始羨麝警息犬生釐歲樂貓迎蜡奔鱗憶橫海插
羽傳距灝虎穴宜尹賞鵠舍矢黃霸當戈喉必春負嶠首
猶怕鑄鐘已待釁挂戶豈懸價不吝藁街爵抑致陳野禡

終期訊馘并恥用鉤距詐形天摩腹嘻狂獮戴頭咤庶幾
裳裏呼坐見鱗甲卸盡撤山海防熙熙樂耕稼

婺源朱博士招同慎伯晉卿遊平山堂時重陽前一

日

遶隄綠水古城通秋菊寒泉薦醉翁新雁驚看金碧畫斑
駝驕人綺羅叢珠簾人影明霞裏鏡檻天香淡月中商畧
重陽先一醉衰顏猶恐未全紅

周孝侯廟

燕啄方投隙狐鳴忽跳梁銷兵長寇盜免胄陷忠良甲馬
乘雲黑靈旗閃日黃終令諸父老時節奠椒漿

惠州使署秋海棠開作重臺爲同年吳慈鶴題畫扇

映徹芙蓉鏡開從旌節花蜨衣含曉露書帶拂輕霞芳意
重重坼雙星脉脉斜嫣然追一笑珍重白團紗

黃孝廉成出示大王母蔣夫人所繡杏花一枝小詩

一首乃在室時其父應試都下寄此爲佳識也至
今百有三十年黃裝爲小軸徵予詩紀之

左家嬌女髮氎氎解憶長安陌上驂祝罷針神燈蕊結杏
花春雨話江南

蠶鉤小字折枝菊粉印脂痕遠寄將添入春明夢餘錄折

花那不憶平陽

太白詩嬌女字平陽

金縷羅裙欲化煙
牙籤猶見色絲鮮
好吹仙蠶成胡蝶
便趁風光到日邊

題荷花障子

西風斜日憶鱸鄉
半晌跳珠濺野航
欲抱雲和彈水調
莫驚七十二鴛鴦

美人古鏡黯如油
綵繚羅裙怯素秋
遮斷荷花一千頃
不知天際有歸舟

下第自燕入秦留別甫山舍人二丈申耆太史四兄
玉坡巢松二同年

暖風吹柳絲遊子搖征轡
已甘淪落心常恐世遺棄
遑計

家日遠轉喜身攸寄衣上京華塵眼中吳嶽翠遲遲就長
途戚戚逢歸騎夕陽照高闕踈煙羃古寺林表圓清陰馬
頭兀殘醉那知連牀夢灑作臨岐淚去去不復陳相見慰
憔悴

昔我違室家追送多親串揮手峭帆開旅程問陽雁離緒
豈不惡行志故自辦飄然更遠遊蒼芒意所幻良朋託膠
漆丈人辱清晏慘沮抑衷腸齷齪承顧盼貧辛只自傷請
求亦已慣尙憐慈母綫久恐征途綻大河自東流行雲不
少閒努力語雙驂休辭泥沒骭

去年領解時窮冬坐忉怛居人無糗糧遊子無裘褐同袍

有吳郎半氊每相割經營爲主進提攜同就輟驚飈捲黃
沙徒御慘曉秣聊感激昂心陡覺愁陰豁迢迢三千里經
月欣得達輦轂何浩穰縞紵亦遼闊苦情勗壯語入門藉
擺撥今我別子去風塵更跼蹐是身如飛蓬渺焉在天末
一誦汝墳詩傷哉涕難遏

涿州懷盧尙書故里

經生拘常格志士驚竒功誰兼文武材海內有盧公漢末
失綱紀內外勢交訐沈沈仗遠慮炯炯懷孤忠奏記初不
納封事復如聾受鉞破大方執戈捍北宮黃巾旣膽落關
豎亦計窮激揚信亮節叱咤生英風羗騎从西來滔天若

其工矢口獨守正拙身竟飾終利害誠非計出處要由衷
可憐座上客不鑒爨下桐

先主里

短夢續續迎朝暾棗花影拂征衫痕獨鹿山高睨眉黛巨
馬水活鏘心魂童童遠樹若車蓋揚鞭仿佛樓桑村四百
漢祚當机梃無上將軍安足論白水真人赤帝子珍重殘
局遣耳孫師事名儒見俎豆鞭縛郡吏猶雞豚天下英雄
獨顧盼兵力不到氣早吞崎嶇軍簿已垂老遲回羽葆終
稱尊富貴故鄉應所戀却望司冀風塵昏小兒哆口有大
志禍福倚伏由家門老生嚔喏坐自保不棄竹馬嗤桓溫

驅車且過投逆旅渴吻急呼老瓦盆

定興縣謁楊椒山先生墓

官道辟邪卧蒼煙出古林牛衣休憶昔馬市到如今所學
本何事報君寧此心龍逢非俊物生世解浮沉

碣石館

無終華表澹浮雲駐馬荒臺拾舊聞猶有廉頗思用趙可
堪回首望諸君

督亢亭

九百餘年遺澤多案圖珍重此山河烏頭馬角回天意不
奈咸陽銅柱何

易京樓

北邙怆慨日南投白馬號聲挾兩矛國士門風頓蕭索卻
教女子保重樓

易水行

絲楊側岸拭新翠白沙縈練激幽吹風起波回馬一嘶想
像悲歌宋如意千秋猶憶送荆陘何與行人落雙淚漫言
一死謝燕丹能驅人死今所難我今亦向咸陽去落拓應
爲長鋏彈

真定懷古四首

睥睨稱雄鎮蹉跎接上京戍開青犢壘山走樂羊城拔地

當樓櫓橫河出甲兵東垣陸梁處折戟拾耕氓
漆里歡鳴筑叢臺望挽弧爭看銅馬帝那羨執金吾戰鼓
沈蓮漏戎衣映繡襦癭王真自誤赤伏不同符
河朔風塵暗常山唱義旗竿頭涑水擲插羽土門馳肉薄
揮刀地魂歸植髮時男兒死罵賊感激撫殘碑
高閣堪憑弔田公父子冤兵威三道屈盜藪百年尊搶勢
房山扼河聲陘口奔只緣盲宰相拱手付鯨吞

中山懷古

慶都臺下感晨風帽影鞭絲白狄中極目連山愁倒馬冤
魂終古記當熊雨侵戰骨頽高隴草送征蹕滿舊宮安得

索郎千日酒自澆塊壘醉廉公

投老時來叩智囊和龍宮殿鬱相望一門子弟皆雄桀千
里河山更陸梁白虜終應亡草付黔黎何至食魚羊可堪
參合坡頭哭期促當年五木祥

劔杪嶄巖立衆岑遙情獨契阿勞深家門未肯留汙俗節
越誰先奉赤心滿限木刀霜旆卷河衝石自日輪沈餒王
猶有鯨鯢壘鬼火青熒出遠林

側岸涓流沐野花英雄城未作王家投弓一一羣鴻逝委
粟重重百雉遮迎堠角聲催匹馬亘霄雲氣作長蛇謗書
滿篋文侯意拓土功名莫謾夸

度滹沱河

朝發危渡口鈴馱雜邪許奔流翻濁泥日光與吞吐寒窳
上危梁馬杓共撐拄黃雲暗泰戲童童袤斥鹵盤渦一注
濫比屋炊懸釜光武昔南轅狼狽負楯弩水稜蹴馬蹶勢
急千椎鼓驚心追騎來朔風卷凍土赤制佑真人白衣逢
老父我今得徐驅猶憚行役苦遠夢落漁簑五湖足煙雨

光武廟

趙州柏鄉縣

符命夸新室謳吟盛漢黎中興三尺劒小醜一丸泥避吏
開圖識騎牛奮鼓輦雷呼震猛獸雨血斬修鯢四七天攸
待三千后久俟侯王容崛起昆弟竟乖睽飲泣嫌方構沈

幾險克躋將軍下河北司隸出關西電逝看龍躍風行聽
馬嘶焚書安反側案陣感招攜赤伏符終集家丞印莫齋
金刀殲彗孛日角快雲霓廟貌存蘋藻壇亭儼壁圭嚴尤
奇諦視朱祐密提撕肅肅神旌閃蔥蔥佳氣迷鼉聲傍井
聒熊耳對山低貴日思求友微時羨娶妻僦驢供外舍買
蜜出中閭被甲鷹揚赫垂旒虎拜齊疇功皆附鳳弔古敢
然犀畫像虛苔壁碑趺辨菜畦胡兒啣石匄謾欲逐霜蹏

趙州口號

蕭蕭泚水欲生波北望常山撐髻螺千載左車重齒冷騎

豬南竄殺人多

謂武懿宗討契
丹李萬榮事

內邱縣

小憩邢侯國征塵思漸深
女鬟高麥浪馬足緩槐陰
蓬鵲芝難采陽都酒孰斟
黑山羣盜靜杳杳送歸禽

邢臺懷古

驅車石井岡遙望襄國城
項王鏖戰地日澹天晴曠
典午昔鼎沸窟穴豺狼爭
胡雛脫柳桎盜弄潢池兵
當其倚嘯時氣已吞洛京
么膺十八騎歛砮騰長鯨
慨忼憐越石天關傷祖生
中州血爲池拱手開軒楹
冠裳旣翕呬宮闕此縱橫
捫心慮符錄哆口論豪英
豈知臥榻下餓虎窺生獍
一誦楚靈言聊抒懷古情

風吹替展岡塔鈴如欲訴唧唧驚驚泉荒荒右侯墓滄海
歎橫流欠活懸朝露云何張孟孫跌宕懷武庫一見胡將
軍伏策欣縛袴人奴比隆準餓隸宜魁梧君臣故標榜八
州已割據豈堪阮步兵廣武一回顧亂世降人病正誼觸
天忤要令順逆明豈夸魚水遇不見溫太真灑涕江東赴

沙邱

馬甌枯其似浪翻夢隨殘月挂荒邨鮑魚同載啜仙骨雀
穀猶探弔餒魂耕隴逶迤侵隧道征衫抖擻御風門掩閨
吟巷人何處一髮天低鵲沒痕

邯鄲曲

西山睥睨接餘青樹樹高槐籠驛亭礙路游絲衝蛺蝶穿
垣細草撲蜻蜓舊傳都會饒雄麗攬古興懷聊小惻猶有
叢臺月一丸昏黃城北輝征袂叢臺昔日冠蓋我跼躑彈
絃盛綺羅處女華年尋綺夢鈞天雅奏效清歌清歌皓齒
傳槍石宮館延袤開紫陌雉驚艾葉逐金丸馬散桃花迴
寶勒金丸寶勒翠樓還樓上鉤簾粲玉顏明珠自飾三千
履白璧仍歸百二關一時豪儁追芳躅冤魂誰遣長平哭
殿庭咳唾少康卿壁壘風雲辭李牧赤地生毛壓劒芒君
臣囚首入咸陽謳聞山水巴猿嘯涕隕鄉關朔雁翔銅鋪
苔澀金蛾死鴛瓦生蒿鐘簫徙洞房霧縠散隨煙函谷香

車逝如水霧縠香車極望迷篴篥鈿落翠眉低平原上客
監門卒故國才人廝養妻後宮荊棘沾霜露嶙嶙古城吹
角曙戰血疑同溢口流舞雲直接洪陂去興亡轉轂鵠高
飛永巷春歌又戚姬遊說何來江次倩徵歌獨憶賈長兒
小婦檀槽蹙金鳳鵲聲嘶破江南夢我亦悲歌忼慨人當
壚沽飲還能痛上馬恩恩西入秦如聞倚瑟愼夫人傷心
莫指邯鄲道無數楊花舞麴塵

雨中過礪州

笨車作雞栖轡卷艱畧轉野埃弄日高喉濁不得喘小雨
承袂迷涼風側耳善淦山煙半垂紫陌泥全輭黑雲勢轉

沈白波望難辨潺湲池雷注蒼黃囊襪卷漁蓑貴可傲茅
屋倦猶聊我本蓬戶儒慣把愁霖遣床漏移席眠牆欹礙
書展何須裹飯來夷然樂墳典契闊白鷗波貧辛駕駟棧
羈懷那暫忘歸期終自勉一櫂艤姜潭西窗燭其翦

弔齊神武陵

靈后宣淫日高王結客身團焦蛇螻螻鳴鏑犬狺狺窘急
騎牛走從容翦馬陳揚鞭指河洛奮步上星辰鑄像謀能
阻投刀誓更親歐拳佯作使穿鼻玩逡巡伯業艱危立兵
威倏忽振梯衝盪無敵麾蓋望如神日麗韓陵字風清朔
野塵元黃逢百六水火又君臣一姓東西峙三分吳蜀鄰

蒼鷹開第宅黑獺拒河津舞稍摩堅敝彈箏狎舊賓金甌
欣淥血玉壁困回輪吉利同遺令謳歌待後人鮮卑語綿
懃救勒唱悲辛宰木瞻銅雀荒斑臥石麟沈沈消紫氣莽
莽歷青春遲暮偏多感奸雄此最真龍腰遭禍酷狗脚遭
凶屯歲月寒燐積乾坤汗簡新滄桑幾閱世墟墓一沾巾

鄴中懷古

細雨如塵點客衣春歸紫陌落花稀一時賦手推曹植絕
世文心弔陸機鶴悞華亭悲白蛤香分銅雀惜羅衣何如
病臥漳濱者文雅從橫歛素扉

珠簾玉壁煥龍樓一笑旌旗上苑遊女騎鳴髀猶夾道浮

屠葬石已荒邱餒魂一柱腸堪洗高鼻三臺血遍流天遣
棘奴終劫運車前酹酒不消愁

興亡轉瞬如碁局莫道無愁大可哀遊豫園仍冤鬼哭貧
窮村有乞兒來忽忽大猊成妖夢赧赧黃龍坑劫灰同作
周臣誰失計鄖公自奏凱歌回

祿山降將皆茅土建節漳濱是薛嵩白馬憑陵憂寇盜青
衣談笑出英雄眉開星靨捎雲碧劍壓霜華閃燭紅一帶
西山接城影垂鞭想像舊驚鴻

湯陰縣謁鄂王祠

小縣依絳叢豐碑若鏡揩家風程史及巷哭相臺皆大節

鍾雙闕明禋肅左階背鬼軍甲仗忠義社弓鞞帕首青紅
鬼銖衣黃白娃銀瓶圍繡帳鐵簡奉麻鞵暘睽疑盤狷嘶
鳴想戰駟電光搜鑄鑊墨寶畫函釵維嶽蠡旗杳如環鳳
輦乖滄涼眺珂里噎塞撫瓊懷幕府奔亡駐臣工勸進諧
將星此磊落皇路昔虺虺鵬翼翔臨蓐蛟波汎擁簿周侗
應共祀王彥豈同儕百戰膚痕數孤衷背涅义符鳩謠間
濶拐馬陣嗟柴國願宵衣紆堂將晝錦闔歡聲馳版檄悲
涕出金牌蟻賊綏江漢鵬兒告棘槐札從天子報議與老
秦排長脚蒼生誤單衣冤獄埋松庵題剝蝕桑葢夢離萃
憶繞千秋觀還尋九曲厓林樾悽塑鶴草露亂私蛙隱客

欽臺笠奚官埽豆稽南枝迴穀魄東勝沒遺骸逆豫淘沙
發曹勛絹血偕龍髯攀莫逮豹尾住爲佳羽扇拋秋葉金
陀茁凍茭故鄉靈有託過客恨無涯始論酬三鎮終嗟陷
兩淮太平樓自建祈請使空差尙現皋亭幟難營李季齋
翠微亭北望劍氣屬天街

次淇縣

修途如縈虵漸覺車轍艱湍崩瀉深澗雷轉飛蒼山行雲
助飄忽橫版觸灣環欽旭栖翮愜裊風爨煙間猗猗武公
美籊籊衛女歎圭璧度難接佩玉聲豈還曰余就行役朋
臯周如環歡悰秋蒂墜愁眇遙岑攀屈鑱委素抱列嫁犯

塵顏諒無攬轡志終安五湖間

衛輝道中雜詠

釣璜故里水鱗鱗柳下風清埭野塵直到白頭元鉞擁依
然市上鼓刀人

季重朝歌自僻居西園飛蓋憶同車秋風白髮傷遲暮感
逝重披鄴騎書

蘇門日煖翠嵐蒸被髮巖阿青眼曾舒嘯聲希還慟哭高
情終自愧孫登

淡雲寸碧抹遙岑大好精廬棲託心欹枕寒泉松下遶冷
泠如答一弦琴

已無竹簡出荒邱日日車鈴蕩客愁桂筍尋波真可羨淇
泉翻練下枋頭

河內三首

太行走幽都昂首始欲放翠色灑晴空奔雲掣奇狀濟源
王屋來澎壘誰能障挽強角大河激箭出其上邑居固殷
賑表裏實雄壯晉文啓南陽伯業乃高抗寇公昔剖符日
光耀甲仗長鯨十萬崩洛城氣沮喪藹鬱桑棗陰厓屢雉
堞向據鞍望黃華攬古神猶玉復憶屠沽豪井里一相訪
崩褫指故基仿佛濁鹿城獻帝辭天位投閒此吞聲何知
舜禹事強飾掛讓名幽囚結氣慘備恪假禮羸竟保天年

歿復土禪陵成敗攘心不愧猜嫌意猶輕殘忍肇寄奴解
綬無潛情展轉絕命祝天家勿復生菀裘寧非幸傷哉榮
悴并

竹林尙修修貞萋破愁寂榛路鳴細泉苔扉倚敗甍風流
緬嵇阮巾瓶恣游虛世網致流離山河逝良覲陳迹復千
年蛛絲古龕羃俗物忤良多賞心眇難覓高蔭昨交衢小
集橫槽檻酒壚聊駐車鍛竈近排壁風塵傷老醜朋好感
離迭落日滿蒼山憑衿愁短筵

孟縣謁韓文公祠

學者望如斗斯文制若經狂爲雙鳥計老觸鯉魚腥高浪

壁翻白短檠林送青飛霞佩堪乞千載羨寒廳

曉發孟縣日午始得渡河

兩厓積鐵不可到誰摩巨刃劃天破土囊風怒羊角旋仰
首無何坎井坐隆隆百折修虵蟠撐拒劣能容馬馱衆皴
崩剝作面皴土色侵人濁涕唾數家自鑿巖腰居如猱陟
降如虎臥曦升躔沒悄未覺縷縷柴煙颺敗鏗隔手還愁
鈴鐸鳴遼岸忽窮見戍邏天倪涌現大河高擊地盤渦揚
堀堞傍惶欲渡車轂觸靜聽湍濤自掀播僕夫睡日馬搖
風眼勞凝睇腹捫餓須臾牽挽聲酸癯浩浩渾流螳循磨
我生自合飽險巇西行尚有殺面過談舩覆沒傷柱侯得

達彼岸已足賀

洛城旅舍五日贈盛

思本

同年

燈花羞對杜羔妻
笑指孤雲華嶽西
客意他鄉逢令節
詩情壞壁覓新題
邴原品自甘龍腹
石鑿心應怯馬蹏
最憶江鄉好風景
畫舫簫鼓鬧蓮谿

洛陽懷古

不見銅駝荆棘間
小灘鷓鴣一雙閑
通傳自虎空王府
妖起蒼鵝失八關
冉冉韞塵思洛水
怱怱薤露盡芒山
河陰冤氣清流厄
可獨裒弘灑血殷

南風起後赤光熒
此座頻教老嫗停
宮殿簿無耆舊憶
伽

藍記偶道塗經漢唐互走勤王檄賓主同夸帖帝星難覓
董糟邱其醉垂鞭自出夕陽亭

新安道中用昌黎山石韻

挈棹倚岨林樾微高田麥穗蜻蛚飛甲光雲隕熊耳小血
痕地墳狼戾古槿礫塞澗轉轂澀潺湲當路褰裳稀關門
屹間路逆賦震御呀呬腸鳴飢官曹倚郭數過轍市集下
阪投懸扉豪將九泥拓繡句家僮荷鋤穿蒼霏昔年誰何
符傳合祗今遼落區廬圍風生鳥翅急短簞日沒牛背涼
單衣疲繭聊復舒短榻驚寒亦得離塵機繁星激激更追
詠郭丹何必駟馬歸

澠池二首

小郭臨官道神傷犖确稠廟猶崇五戶亭自號千秋地聳
峭函勢風吹伊洛愁蒼煙一回首山鬼嘯危樓

馬首角聲悲長風攪我思屯形瞰虛北叢杪譟羈雌激水
殷西岳橫霞掃赤眉鄉園何處望兒女盼歸期

峭坂

脂車戒登陟勢逐林曦上延緣不覺高窅窅多回枉上坡
復下陂微飣馬搏鰭石頑蚩尤髀天削巨靈掌羲娥怯回
照風雨盛虛響當其輊輶投膽落已千丈卻羨巢居人牽
蘿列翠幌大河修帶束全晉高自仰老淚此沾襟隻輪久

埋莽雄塞快遐矚積愆勤追想悄悄下回谿飛鳶隊黃壤
兩厓間居民穿井至數十丈所謂巢居汲飲也

陝州寄張翰風

壯游欲賦愧如何古錦囊杼勞者歎鼓角長亭殷碛石帆
檣底柱折黃河三門露髻嗟翁仲七里流丹怨郭多試上
城樓一顏浪中條霽影點蒼螺

拍岸驚波接涇津塞蹊亂石碾征輪長城東抱猶馳魏戍
卒西行竟滅秦獨有仙翁輕脫屣晚知郭令重蒙塵明朝
愁向桃林塞古戰場中萬點燐

函谷

却趁雞鳴早退瞻虎視雄建瓴九國下暴骨二陵中漸逼
金天氣堪招玉井風那知河洛小曉日透曠曠

漢書纂道
形如面也

升喜臺

如何柱下史秘發金壺汁道德五千言蒼山老魅泣

女媧墓

鴻濛莫定忙煉石與搏土濁浪噬風槌不將缺陷補

思子宮

謀祝致羣臣蚩尤婦二曜慘慘思子宮煌煌世宗廟

潼關

馬踏層雲雲氣浮翠屏如削涌城樓金天日麗蓮花彩玉

水風高竹箭流鶉首森嚴奮長戟龍驤儵忽駕方舟當年
膺落高歡處旗脚雲開滿目愁

弔漢太尉楊公墓

蟾蜍爬沙蝕明月北闕擣杵慷慨訣陰靈豁落奉陽精白
蓋雙騎大鳥鳴早時四知勵清德嗜欲空虛氣乃直張禹
胡廣首鼠譏正坐不廉偷一息東京世族溯家風袁氏驕
淫終作賊獨將清白遺後人番番一老猶漢臣我來負笈
華陰市歎息關西有夫子棲雀講堂丈席規九原千載追
子思立朝強項同董桂須在齋鹽自刻時

王猛墓

恢廓中原契幾微正朔存有師賢鬼谷作相勝桓溫地迴
龍長臥天高蝨自捫山神那可問洞口夕煙昏

過郭汾陽故里

元冢祁連望青林羽葆留驥超空廣野龍躍必靈湫妖霧
當中葉凌煙第一流選鋒蛇豕殪折箭犬羊投執節消讒
口揚威惕異謀艱難推上將泣涕復神州閭閻親仁宅旗
常高密侯角巾安大樹張幄麗輕裘蠟淚三千舍香塵十
二樓引筇遷哲過聽佩季倫求富貴應如此勲庸得似不
舊廬還列戟凶豎已撻矛

華州節度使周智光

亭弩河東負餐錢少

府酬鳴珂回巷左摺笏滿牀頭鄉里夸冠蓋堂皇肅冕旒

金神參執版玉女侍隨輶蠶尾皴碑額苔紋繡瓦溝風雲
猶壯色猿鶴豈埋愁泗上逍遙日關西擾攘秋功名鐵如
意亘古本無儔

望華山

赤日下地風鳴鑣浮嵐塞空青蒙綃入眼峻嶒尊太古披
胸摩豁千層霄巨靈爪力透月窟玉女眼波回斗杓蒼隼
一點削石劒綵虹百丈支銀橋勢看搦嶺挾飛動意懸挂
杖除矜驕自憐蟣蝨汨塵土身無羽翼當衝飈老仙睡息
雲縷擢狂士悲淚泉珠跳山靈偃蹇非素識虛館躑躅空
長筇撫奕動操求夢寐恍惚度越洪厓超博箭攢青苔冪

局洗盆湛綠漿流瓢金闕欲攀畏雷電明星可摘懷瓊瑤
車箱何人吹鐵笛天井下瞰聞玉簫黃河波湧掉山脚蓮
花雨落堆峯腰驚魂倏墮切酸楚幽谷萬竅含慄慄那知
紙窗耿曙色影亂竹柏聲鳴蕉心空遊目信非幻計拙厲
形寧避鬻搏虎射龍固怯驚鞭鸞笞鳳堪招邀天書雲篆
不難讀安能屈曲呼人貓秋涼逕辦十日糗高尋白帝追
昏朝霜妍月皎濯肺腑更將詩句窮搜雕

戲亭

指揮誰道沐猴冠虎拜如雷上將壇十八真王齊解甲繡
旗分導萬人看

鴻門坂

亞父奇計皆下策已極兵威更殺降
玉玦無靈撞玉斗烏騅東引到烏江

渭南

蔡渡墟煙喚栗留綠陰深處釣竿收
一聲長笛斜陽外盼斷當年趙倚樓

新豐

舊社依稀語舊遊大風歌亦憶千秋
蕭蕭雞犬斜陽裏蕉萃青衫是馬周

幼學堂詩稿卷八

幼學堂詩稿

戊辰夏起
至庚午夏

吳縣 沈欽韓 文起

浴溫泉

綿途屈三句爬垢逾一寸眼對驪山明心喜長安近眠食
循舊便筋骸振宿困補綴出中禪摒擋及敝緼思招冷暖
龍欲逐涇渭駿側出有溫泉萬古同神漢唧唧隨雲流濛
濛披霧喫竟體醍醐灌餘馨蘭麝噴豈徒濯瘡疥亦足雪
頑鈍煙黛藉芳鮮草木含瑩潤爐薰企一晌嵐翠聳千仞
瑤宮露英乾瓊甃土花襯苔鉞傾沈水虹梁遺挿燼通裁
寶袂橫圓趺錦韞印碧漢落霓裳金霞攏蟬鬢笳吹月戶

愁塵暗眉山暈翠華電影過薌澤雨餘褪銀床攪秋聲玉
燕語春恨空聞鳴咽流猶間佩環韻當日紅巾銜今時犢
鼻恩風月幸可延開天莫復論何殊出虞淵兩腋輕思奮
松篁發幽吹拂席傾殘醞耿耿指雙星秋來隔芳訊

灞橋寄懷

正是江鄉梅雨時金錢漫自卜歸期征輪碾盡風前絮更
向青門折柳枝

落花和申耆韻

罡風吹墮幾由旬惆悵聞香舊樂神偶點青衫皆是淚便
黏碧艸亦成塵水晶簾卷空涼月婪尾盃銜送好春莫怨

洞房芳樹暗。薜蘿多少斂眉人。

遊絲百尺弄煙霏。小劫曇華溯地肥。柳絮天涯歌緩緩。梨
雲月下夢依依。重窺上苑瓊枝換。欲蹋春陽繡屨稀。蠟淚
爐薰拈翠管。多情么鳳傍人飛。

暮雲愁睇碧模糊。餽悽斷雲和一斛珠。鬪艸舊曾翻禁簿。埽
花誰與佩靈符。馬蹄殘雪看都盡。鴛枕餘香思漸無。好向
河陽開紫陌。春風桃李自千株。

立秋前一日夜坐感懷寄申耆翰風二首

炎歊猶在室庭樹。颯已秋。東南望銀漢。涼月隨波流。道遠
沈尺素。展轉懷煩憂。蓬蒿翳陋巷。砧杵悽高樓。晨昏違子

舍闕輔真漫遊關輔秋風早薄寒絺綌收遙憐嬌兒女訝
我何淹畱在家厭喧聒孤影誰相酬飄泊我豈願行止非
自由豈徒缺餽粥未得營松楸惻惻將奈何壯心成白頭
露蟬咽高枝艸蟲趨暗壁秋風益騷騷秋意良慊慊我悲
人豈知鄙懷無感激艱難固自甘豈憂終岑寂坐念齒加
長學道撫躬惕文史浩千萬冥心爲尋覓勤力尚無成古
人日以逝焉酬君相知深恐友朋責華堂競絲管中厨羅
酒炙煩冤莫可訴謹嗽每致劇何如對床眠風雨清晨夕
囊琴積芳塵疎星澹遙碧

五君詠

并序

歲之正月欽韓懷牒北上過維揚前沂州守洪君梧邀集
梅花書院汎州東湖賦詩而別至京師晤毘陵李君兆洛
李故舊好至是始得昕夕過從之樂試畢館於陽湖盛君
惇大家而新城陳君用光家兄舍人時往還焉此五君子
雖交遊深淺不同其盛惠長者風義可挹則一也自以樸
鄙之資又樂弛置自便念無以合于塵土浩穰中然則此
數君之獎飾小善如實出已爲可感已迄來秦中交遊闊
絕發言莫賞誦梁伯鸞思友之詩歎知己之不易因作五
君詠以抒幽憂之思識明德于勿諼焉

洪太守 梧

者英有洪君嗜古同伯業降龍塵尾搖盟鷗牛耳歌說士
肉勝甘氣勃酒難壓去夏辱行滕窮巷訪巾恰烹鯉未出
書埋劒不窺匣方寸望徒勞咫尺違又恰嗟我豈其人歸
昌期喑喋塵垢隨擔囊煙雨卧耕鋤北江劃泚南榮消
夾槩蜀嶺萬梅花朝曦媚珠被青編與供奉蒼官爲都押
四座羅纓裾一笑倒箱笈扶杖暮轉胞揮翰趨駢脅畫船
邀聊浪銀燭續欵洽園春試遊蜂塘煖先睡鴨尊綠浮釭
面盤青挑菜甲長歌激雄豪壯語鞭駑怯苦云老病人菜
萸聯襪插豈知溲落身萍蓬雙轂夾繁星窺破颿渾流蹙
暗暉土銚呼童竊茅柴供客呷身世一蝶魂歲月幾羊牯

萼香夢在吳騎遠訊無鄴肺肝空輪囷波瀾困束峽秋水
飼蛟龍春山歇鷓鴣孫寶歎不遭半菽我豈乏乃知老賀
監高情曠塵劫

李庶常

兆洛

毘陵多學者短李爲巨擘能事皆熟聞虛衷有創獲艸堂
上洄寬稻田東屯僻觸手萬牙籤賞心幾蠟屐娜嬛豁通
津謨觴高講席婢酬鄭公詩僅罰王弼易裹飯雨尋朋翦
蔬月延客廣厦感壯懷大裘思闡澤前年取高第詞館得
仙伯百里屈牛刀中路鍛鵬翮漢廷公卿選官伐守令積
經術飾吏治家人循巷陌害馬慮先除驅羊視後策彈冠

固優爲判袂良矜惜堂皇子賤琴霄漢王喬舄京國暫遊
謁聯床快夙昔過我木患子欽君玉界尺浮蟻遲論文走
蟬急抽冊屠龍漫云工跨驢將安適深願襪被留猶虞長
缺厄西行顏色沮北望音塵隔三薰垢尚蒙七發病誰釋
風猙卷秋心月苦沈宵魄添丁盧仝思窮交朱博隙高槐
臬涼蟬激越歌金石

盛舍人

惇大

舍人工吏隱南墅擁書府風流見正始泊淡遭太古卅年
不遷官半通聊曳組雁鷺行共隨麒麟援何數江墩呼移
床崔儵傳署戶送人作方州老我等倉庾垂簾靜榻塵洗

研滴檐雨金石契摩抄煙雲欣鼓舞綰蛇斂薑芽透爪評
釵股開筵趁韭花走函乞鹿脯王宰旬月計謝鯤巖壑補
鐵門自謹嚴轍材空旁午澄懷託高士妙迹方甲部俸錢
薄未給親舊寒常煦冬晷窗凝缸春風座揮塵喜看綵翮
長渴求嘉木樹室內酬芝蘭道周念扶杜自非篤天真焉
肯暢仁宇吁嗟紛要津刺促汨塵土竿牘朝懷謁牙籌夕
校簿冷煖衡吹噓剛柔別茹吐恂恂僞面目齷齪鄙腸肚
得喪僅豪末倚伏孰功楷孝章故有名長興豈其伍忘形
附異苔懷呀分鞢羽悽響含霜鐘冥心叩露柱蹇驢風雪
中重聽天街鼓

陳編修用光

編修工吳語篤論鏘夔夏種學玉騰瑛抽詞筍怒茁離方

嚼高褰天閑蹄快刷清俸倒縑囊佳賓致瑤札

家俠侯下榻其家

蝨簡宵分讐衲琴曉共拊二妙慙鑣連一軍嗟旆拔髻鬢

首請囚嬖跣足遭別羈食澀粿粿貧車全坱圠浮噉招困

鱗鱗疥蘇病鵲屣迎略拳跽巾拭清垢圻架籍橫丹鉛厨

膳擣蘇藪談深豁菴焚義選堅紉几庾辭那知三應響逾

隔八紉新發抗歌叩鄙窮紉察之而作訶鏗畢逋敗鎗齧

擿埴悟大愚飲河悔小黠鋤筍獲投隙窺數鉤窒竅頑礦

要錯礧瘡潰藉副殺惜哉判塵襟儵爾驅脂鏄星火指挈

臯金碧迷利刹土室卧繚繚山城跨鬱鬱膚慙中痒瘰氣
瘳惡瓢瓠棲濕叢歲莎銜陰喧蜻蛚先秋瘳紛穢續夜籟
敲劬離居感辰杓駑駕誰策鍛弦么惑叮嚀眉嫵憎眦眦
躡梯蹙奎踞椽材枉縈軀懽亮噍摯悲哦空咿軋靄幻
重霄驚霜刑遠林鬻夢恇療蟻聰燈昏咒墓賠高齋憶薦
檀散帙自蒙帕主客圖交披東西屋聯閭華年送絡緯朔
風叫鵲鵲征途木介凝寒鑪地毛刮急思就元龍不借寧
避滑

家舍人 欽臨

吳興得世族清望何迢遞已叶畢萬占寧夸郭璞筮松陵

表一房碩大明派系粵自先太常風節頑懦勵代興尤不
乏冠蓋鳴珂繼凜凜憂國本勤勤浴氓隸高陽推八龍永
興題三桂忠孝各名家清白以傳世風流著文采閨房皆
班惠玉臺播新詠彤管有鉅製迄今百年來名績乃稍替
將無兔園冊嗜瑣汨才慧吾兄紹宗葉旣壯掇高第簪筆
薇省中僚忽淹時歲恬淡不奔競溫恭克砥礪旅進獨策
蹇退食門常閉蕭然一室中潛心叶彖繫弟愧未聞道虛
憍多悔厲暫見意已消親炙神逾契儼然祛炎歎怵惕動
沈滯貧賤不得留別懷增侘傺塵俗牯清明津涯浩何濟
楨幹先義行枝葉到文藝斯道人忽亡風旨邈幽裔秋陰

散秦原望古結遙睇空山蓄金膏芳林擢蘭蕙寶氣積歲
襲幽香發蒙翳區區鶩聲華墜雨委秋蒂

秦中早秋

渭水西風一夕寒鴛機新月盼刀環爐香蠟淚誰家思乞
畫江南數疊山

空堂蟲語答錯錯雲閣林梢雨意酣欹枕疎鐘清客夢依
稀茅屋研山南

感懷

三千里外策行勝錄錄疎班粥飯僧夢裏抽毫吟笠澤塵
中抱研哭昭陵滿庭風露重簾壓永夜星河曲檻凭誰展

秋光如匹練樂遊原上掠飢鷹

中元節

此日酌杯酒家人憶我不禪林方解夏騷客又悲秋零露
黃山接殘虹紫閣收望舒頻僂指圓缺替伊愁

秋雨懷徐良卿

秋心碎積雨歸鳥目空送行潦斷平原林端濕雲重淒其
蒹葭思浩矣江湖夢

昔我弄白蘋繫櫂浹谿柳日淡鯉魚風薄醉傷分手今年
霜葉紅還復持螯否

渭水自東流西上奈孤客行雲限關河不向吳山碧勉哉

一瓢酒天涯慰此夕

雨亦不能止愁亦不可置回思舊酒徒笑語皆嫵媚一點
楓林青期君在夢寐

雨久固當晴秋河耿城闕歡悰旣刪除陰晴共紆鬱最念
倚疎篷一笛吹涼月

吳子結團瓢竹林露滴研周生投劾歸狂歌索菴練一唱

望江南我遊亦易倦

去年擢舟訪良卿于荆溪其同縣吳處士賣畫自給所居團蕉僅容茶甕

選廬植竹不下千株琴書清寂依然有隱君子風在塵土一置思誠可美也周保緒年未及三十棄官歸與湖山作

主人余之錄錄亦奚爲哉

周通判

心如

暨其弟上舍

爲漢

招余檢書看劒齋中

竟夕

玉蕉酒盡同看劍
銀葉香消約抱琴
涼月如霜人迹少
吳兒坊下聽吳音

馬嵬絕句

得寶翻成懊惱歌

樂府雜錄得寶曲者明皇初納太真妃撰

刀光卷雪注雙蛾

恩恩殉玉埋香後
商略來生又若何

遊魂萬點蜀山青
愁絕崖公掩畫屏
賸有紅桃相對泣
望京樓唱雨霖鈴

雨絲和淚蹋青人
萋艸靈芝委玉塵
一種垂楊帶曉眼
縱撾羯鼓不回春

邏迢槽拋金鳳泣頗黎碑倒玉蛾乾阿蠻流落將軍貶地
下應無絳雪丹

相逢行贈荅周幼海劉雲伯仲卽志別

東吳菰蘆士卅載卧柴荆有車不隨上計掾有謁不入大
公平行歌帶索已忘老忽顧長安作西笑長安今在薊北
門黃金客館堪憑弔鵲鷗衣蝕霜華斑宋五坦率行當還
夢歸閭巷畏雷室目斷煙霄墮翮山策馬無聊向關右卞
彬決錄相人偶雌霓連蜺白閣雲棲烏禿速青門柳雨休
夏歇等苾芻此心寂滅長松枯誰謂至寶發光氣雙眼頓
開地鏡圖推襟始熨連眉結懷袍略能捫腹說兩鳥啾啾

聊得鳴三羊。香香恐遭叱。天街涼月白如銀。偏提醉我松。
醪春縱橫几席圖。復史餽飮穀。槁栗與榛。慨忼要擊唾壺。
缺更出寶刀。相拂拭虛堂。拔鞘纖風生。碧花尚帶淳于血。
君不能如于栗磾。黑稍焰焰揚河隄。又不能如蟲將軍。長。
鉅霍霍菁茅分麒麟。有角亦安施。仰天大笑杯翻脣。貧薄。
相逢誠快意。誓披肝胆。厠兄弟。只惜孟仁襖。被寒誰知蕭。
懋瓶花額庭前。下鶴白皚皚。挽社不得號呼哀。天涯淪落。
復荼苦行路乍見心。猶摧何況龍舒遺。清白崔瑗傾家盡。
賓客翩翩丹旄西。涼來滯留未得營。窰窰浦陽江隔幾千。
里。纖服纔除又苴履。病妻宛轉尚在床。歎息艱屯何至此。

引繩搏土偶爾爲苦樂天翁豈得知雙雁終應隨馬鬣三
鱣未必泣牛衣蕭梢駿尾衝寒霧窮冬我首燕山路半年
歌哭論交情萬里萍蓬縈別緒揮手愧乏王丹縑朔風吹
裂烏帽簷忽向秦關回首望愁心缺月如磨鎌

華州

鎮國軍鋒建將壇清笳候火報平安西迎高掌銀刀駐東
下羣冰鐵馬攢是處老羆當道卧何人春燕倚樓看潺潺
一帶羅敷水鞭影潼關送夕寒

渭南

烏帽簷欹酒不溫石橋噴薄渭流渾郵籤卻悵驪山遠草

白霜黃半日村

寰宇記渭南縣有半日村

出潼關有感

華陰道上騎驢過，玉女盆吹雪花墮。
渭河口邊望鐵牛，冰稜銳作刀輪剉。
開寶遺事在眼前，廣運潭趨百郡船。
赤尉綠衫紅抹額，得寶歌過千嬋娟。
小人獻媚何足醜，偃月公時亦噤口。
百牙盤進望春宮，此日三郎真蜺斗。
阿犂矯發金虎符，防關將復推哥舒。
龍蛇起陸禍機伏，正坐主忤非臣諛。
遊子臨風空歎息，驚沙撲人批阨塞。
空山鬼障月光黑，戍火一星盤豆驛。

王莽傳函谷批難

赴都留別觀察盛孟巖先生

抱研隨行試決科未忘清夢結漁蓑馬頭霜曉驪山翠雁
陣風寒渭水波種樹公知傷刺少佐雖我幸得嘗多汝南
倘下周璆榻更有風流佐雅歌

謂周
筇雲

發臨潼寄周筇雲

殘燭映天曙涼蟾猶在庭泉邊雲氣白霜外艸痕青古道
飄牛鐸遙原縱鵲鈴懷人正有夢峭蒨隔蘿屏

望華山有感寄楊蓉裳農部

臨風莫唱華山畿九節仙藤登陟違過客深慙錢若水驚
才輒憶謝元暉橫看黛色三峯重回望黃流九曲微卧展
屏風終未快便招白鶴叩雲扉

渡孟津

落日漾魚鱗朔風捎驄尾隔岸如可招跌宕乃窮晷峭帆
劃中流陡觸黑雲起呀呷百丈牽冰稜銳鋸齒急溜不得
上一落殊未已高厓三四家晚飯瞰水渌捨筏快先登涉
叩憐後跂寒星雜戍火篙楫難暗理却望北邙山淡淡暝
煙裏

登孟縣城樓

峭勢南迴潘樂城牙旗霍霍壯東京龍門積雪隨流下少
室浮雲與岸平血漬金堤霾土色風來玉壁撼軍聲塵袪
一摻延斜日又逐幽州馬客行

清化鎮

欹枕馬蹄兀褰簾鷺候移征輪猶往日客舍比歸時典午
消佳氣南陽案霸基拂塵排筆研笑我欲題詩

樂城

小市雜人語酒帘懽獨尋傍壕嘶瘦馬落日浴寒禽冰積
沙河壯風高大茂陰誰人歌勅勒回首帝艸林

房山道中

古木棲鴉不揀枝馬蹄蹋碎凍琉璃平原一帶荒寒景尚
憶房山老畫師

黃沙烘出月模餽鬼火青熒駐遠燕不識何年戰場血磨

刀霍霍舞寒蘆

涿州張桓侯廟

國士千秋能有幾
狂生一夕竟難同
謂劉巴到來遶涿諸毛
地想見橫矛瞋目雄
王業纔能鼎足峙
將軍竟以斷頭終
故鄉魂魄三巴淚
長此君臣享闕宮

臘盡過憫忠寺

勞生畏雙堠
屏迹親一龕
鐘聲隔巷度
竹影虛檐參
僧帚雪未澤
佛幢香猶含
古碑研塵細
老樹挈雲酣
鳥雀得常樂
齋鹽有餘甘
止心一暫照
觀身了無貪
前塵旣紹緣
後蘊復趨羶
審非濟時具
且喜出世談
碾輪欠轆轤
吹髣風

鬢髮春光滌寒涸凍宇開新嵐

雲間陳給諫懌遺墨爲其孫榕題

黃門先生幾社賢散聖得意削梯傳力追南唐撥鐙筆鐵
鈎鎖法捎蒼煙劫灰一飛散胡蜨小詩重披輞川集貫珠
方絮搜秘笈祖德若存抱研泣

清明過憫忠寺

千指芼芼香拂林最難風軟作春陰叩門不覓悲辛食拈
塵聊參得證心陌上花開紅雨暗江南艸長碧雲深年來
蕭寺題詩處蘿月苔煙夢獨尋

入內城勾當畢仍寓蓮花寺

埽地焚香後心空似病蘇槐新舒鼠耳花舊雜蠶須著述
惟蛇賦商量到橘租諸公看衮衮容我作潛夫

眼昏看客刺心動得家書祿養憐猶逮廉隅勵竟虛買釵
聊指楮啖茹莫遺魚亦自傷遊子朝來白髮梳

春去先羈客無慘喚栗留日黃團絮夢雨綠捲眉愁倚帶
看苔長穿櫺玩蟻遊思鄉轉深處碧篠舊齋頭

按字多蘭若風吹香滿林悲忻隨客念冷煖異春心病肺
真妨飲搗頤偶漫吟繩床黃妳共晚景換鳴禽

首夏望日屠孟昭招集樂元叔劉芙初吳蘭雪顧南

雅董琴南于雙藤老屋共賦芍藥絕句

槐黃已過問歸程
婪尾朝催隔巷聲
如此風光莫回首
鞭絲帽影出春明

老屋雙藤拱座隅
玉堂清夢落江湖
重吟紅藥當階句
補入張爲主客圖

雨絲壓住六街塵
四壁軍持照眼新
儘有等閒開落了
替渠養得一分春

豐臺菜把擔朝煙
便看西施直一錢
百寶闌干紫絲障
千枝憔悴一枝妍

君持手版作羈官
我向菰蘆覓古懽
此際將離映青鬢
酒深還復把燈看

長安酒價自鬼我奈此風華瞥眼過無數溪花與汀艸淡
煙斜日媚漁蓑

劉芙初招同孟昭元淑藕畊鳧鄉頌清春帆至城南
尺五園雅集晚復至孟昭寓齋飲雙藤花下得詩
二首留別諸君

客影如秋燕林光雜夏雲遊絲驚墜擇幽艸媚斜曛哀樂
中年逆升沈岐路分幾曾干綵筆潦倒又離羣

出處亦無奈明星爛一天彈琴容傲吏舐鼎謝頑仙山水
清音共江湖小集編摩抄老蛟骨相祝待華顛

賀吳韻臯登第

牡丹壓露柳含煙正是黃扉造榜天神雀頌宜推武仲阿
房賦早播樊川科名不必龍頭重報稱須同鵠翮全端念
故人茅屋冷揚雄小技莫輕傳

題屠孟昭小檀欒室讀書圖

山風拘籜吹薜蘿秋眉拭翠帷披林五子鳴弦嘯且吟琅
然水石留清音鳳皇山邊老鶴起翎捎松花落窗裏潮頭
萬丈盪心胸湖光一綠浸眸子林泉大好似蠻谷肝膽琅
玕撐滿腹書城贏得半通綸苦筍瞥眼已成竹銅槃布被
良不偶礱錯英奇玉爲友九州老氣千古心好句時壓山
精手福連仙螭飛青旻石床不埽苔爲茵一粥滄浪捫煩

襟出處何關冰雪人我排老竿堯峯下瓜蔓牽風齧檐瓦
煤熏塵落未忘渠何況圖史開精廬求官覓舉十年誤突
兀眼前思此無

琴鵑舊廬說詩圖

三人孟昭外郭祥伯磨查梅史揆也

松根素壁搖清秋白眉青鬢髯而蚪說詩硜硜語不休塵
尾脫落翻茶甌兩狂相遭窮怪詭米顛不下賀梅子況是
嶽崎歷落人名山事業成鼎峙斯道久喪氣不揚杜園熱
屬相披猖奸黠稍能鑽故紙獻笑乃等門倚倡惜哉菰蘆
闕奇偉水樂天籟誰入耳彈琴輸與緊那羅大地鼓舞走
神鬼三人才調不必齊五味濡焮鹽與醯碎金屑玉若著

錄豈非刮膜得聖筮屠侯於我最雅素墨綬垂腰行欲去
豪氣干雲未可磨嘔心免作李遠賦霹靂手判晚衙空安
排筆研當覓句查髯從宦兩相望解頤新論郵筒將惟有
郭生飯蓬藿幺弦勢孤蠶啼壁勸君早辨三徑資無使月
泉吟社寂我亦入流作談客

女郎雪如小像爲臨川樂孝廉

鈞題

絮果真成惆悵詩飛龍骨出爲相思碧雲幾盼桃根楫紅
豆深埋竹葉碑三月陽青澆酒地一窗鎖綠斷腸時生綃
重展崔徽畫琢玉量珠恨已遲

贈湯

貽汾騎尉

遠山墨淡郭忠恕春水綠勾張玉田千騎弓刀亦憔悴一
生筆研是因緣相逢燕市聽今雨便向滄江卧晚煙聊復
臨分作調語我期金紫子貂蟬

以詩乞吳國博

嵩梁

姬人畫蘭

香東掩映遠山眉朝暮齋鹽未足悲修竹雲藍垂袖小芳
蘭螺黛染豪遲好徵懷玉山人夢便付蓮花博士詩乞我
歸囊新畫稿也將漆盃共搬移

晏叔原聚書甚多其妻厭之謂叔原有類乞兒搬漆

盃見張邦基
墨莊漫錄

蘆溝驛

觚稜無夢遶嚴鐘替戾車鈴荅曉風一樣蘆溝橋上月送

人歸去太怱怱

河間

載轂通都擊懸桴劇郡鳴青山埋冢色白馬過河聲填艸
擔生澤墟煙乞活城雄圖眞草草不獨弔東瀛

雄縣懷古

燕南趙北指天弧御蓋雲開辟萬夫淀口九河爭渤海關
前一障隔幽都花明纂纂思鄉棗雨颯叢叢繫馬蒲午夜
土囊風吼怒忠魂想像白溝呼

東方朔祠

靈山萬人誦內音先生手舉七寶林虞淵浴罷貪漢耐抵

掌一笑鄒枚瘖羽衣妄人佩五印割肉何裨囊粟窘宛若
小妻聊可娛少君舊友真堪哂柏梁臺燼靈寶灰本知劉
徹無仙才有酒鷄醕泉鳩里白雲歌罷同歸來商河水駛
浮槎桴古碑猶伴石押衙喚取小鬟彈尺八門前落盡碧
桃花

荅董編修

國華

見懷

乞火誰分鄰女光壺中歲月逐人忙貧緣到骨難忘俗老
漸驚心自減狂夜雨君寧念茅屋秋風我已狎蕁鄉竹林
繁露真家法莫把雕蟲報玉堂

魚山神弦曲

撫掌萬兮彈雲璈坎苓鼓兮聲嘈嘈
醅朱顏兮揚曼淥却翠扇兮鋪瓊茅
麗綵雲兮沛艾褰珠箔兮醺醺風吹愁兮
如雨神不語兮心許搖玉佩兮金璫杳朱戶兮洞房抽丹
雘兮散芳憺銀燭兮搖光

右迎神

濟水白兮吾山青綵舟歸兮花冥冥
條回風兮閃霓旌儼流睠兮散幽馨
化余精兮作菑草碧翬腰兮接瓊島青錦
帔兮玉臂支吹鳳管兮寄予思孰冉冉兮羅韞空蜎蜎兮
素月

右送神

在平旅舍

荳蔻梢頭月上波雙鬟已解唱黃河
條條楊柳鞭絲短面
面琵琶鬢影多一顧偶裁團扇曲
半生每感唾壺歌朝雲
黯黯魚山路更有愁臺弔綺羅

項王墓和樂元淑韻

高邱虎氣已消亡石馬嘶風打麥場
四豕分如失鹿主一
杯冷似牧羊王八千空悵橫江黑
五百誰歸絕島蒼至竟
枯棋剎那頃酸眸銅狄弔咸陽

附元淑原作

羸顛劉蹶總天亡廣武何勞弔戰場
割據儘容魑髻尉

驅除先惜黜頤王彭門春草連天碧魯甸殘山遶墓蒼
擲去頭顱千古在爲公立馬看斜陽

東阿縣曉發至東平州同元淑作

昔日三良詠高臺極望悲至今明月照猶有朔風思珠箔
褰車杳芳蘭采佩遲山行愁暑礪那得慰瓊枝
小試羊腸道雙輪轟輶投餓鴟蹲破屋老彪嘯危樓山遠
聯齊魯星稀見斗牛東平西向樹煙鎖尙含愁

兗州

南樓縱目揖晴嶸風入軒窗四面清鉅野尚浮蛟蜃氣虛
堂如聽管弦聲雲來海岱晴迷樹雨過鳧蒙翠繞城安得

竹溪追六逸龜陰田挽一犁耕

自泗水橋至沙河道中阻雨車行泥潦中遣悶三首
魯郊三日雨地防已汪洋鳬鴨隨浮汎江湖興眇芒書門
雲涌墨漏澤日沉黃滄海橫流歎吾生付慨慷

白楊閃遠火客舍似豬蘭照壁眠愁螫春梁飯喜搏岩廊
誰結韞蓬藿莫彈冠千斛西江水征塵欲浣難

不作交衢舞如舟駭浪搖真成九折坂空駕一封輶粟稈
蜻蜓上蹄涔科斗跳熒熒五色鳥浴罷戲蘭苕

野宿

日腳沒牛背晚霞紅一村嶧山窮魯望泗水直彭門野迴

星分燄宵深月吐痕
嘯歌應不廢共倚馬柳論

下邳懷古

烈士奮氣矜智者識幾始
義風唱可振隕俗激則使趙氏
方厚虐側目孰敢擬萬姓
喘喁喁久焉氣疲關子房志報
韓發難提其耳一擊雖不中
祖龍魄已褫以此愧天下各
雪君父恥驚雷震白日龍虵
破蟄起十日空橫索呵護非
神鬼焉知俊鵲逝遊戲煙霄
裏我來下邳城遺迹想納履
微時黃石公晚節赤松子
神仙與作緣英雄能有幾叢叢
彭城山瀾瀾圯橋水坤靈闕
奇局慷慨歌行李

新月

新月猶殘月翻愁水宿艱一帆棲白鳥雙屐夢青山野哭
林風黑宵吟戍火殷南來怨津吏三五滯刀環

淮陰侯釣臺

王孫昔日投竿處蛭渡蝦跳尺漕深含睇素靈橫大澤傷
心野雉响平林連鰲盡擊珊瑚碎走鹿真窮雲夢擒畢竟
羊裘容易著誤他漂母報千金

高郵追懷秦少游

真銷錦半臂好捉玉蟾蜍髻影朝華滅巢痕元祐除文章
淮海闊風月甕湖虛一覺藤陰下傷心僮耳書

旌德黃貞女詩

十四歲所字朱氏子疾篤女忽心痛若有告之者既歿矢志不嫁奉舅姑

年二十九得微疾
曰可死矣遂不起

未滿一輪月華年已斷腸陳詩痛茅苜準禮設桃湯古鏡
時窺淚羅襦那識香門屏跬步近不敢背尊章

握玦應卷手埋香算比肩生憐武昌石含笑蓋山泉花落
浣衣處雲愁織綺年建章孤闕聳何媿玉華鐫

丹陽道中偶述短歌

江風橫折帆葉驚小舟亂如鵝鴨聲菰蒲擺腰作氣勢咫
尺千丈車軸傾白虹截雨雨化雲放柁依舊中流行披襟
一笑事乃爾鬢毛微覺涼秋生漁艇掠波自來去碎魚論
筐賤如茹瓦盆酌酒亦婪酣捫腹何須太牢飫扣舷欲和

長年歌盲風慘雨抵巇多從今白眼看蒼狗征衫撲買笠
與蓑吾廬固有安樂窩

和黃香涇栽菊四首

昔年長安道與君同躡屨小艸轉飛蓬朱闕歸白堊便自
成老翁勞苦久離索春榮玩芳鮮秋蒂慰瘦落所恨無隙
地馭蔓交璫錯雅與傳延年臭味遭淡泊夏苗同蒿蒸秋
英共糗嚼腌葉映重蕤煌扈照簾箔晚香客品評瘦影婦
量度酸寒氣聊洗枯寂心還著更欲招索耶呼兒支鐫脚
君嬾不作詩淵雲墨微燥捫胸若太空浮雲喜淨埽紙窗
初日映布帽東籬遶技癢那忍俊肺附一傾倒淒淒風露

砭罔罔驪珠抱業已洗鉛華意豈恨枯槁喚我宿愁迢如
人素心道風詠接清芬飢腸亦搜討各將耐冷心霜月門
娟好豈徒示詩篇更與添畫稿奉敕寫邨媒世眼真艸艸
多事此兩生煮之寧堪飽

我家數長物視君尤寒儉架倒青蔓除壁罅蒼苔點黛煙
低簾簷梁塵塌侵簞芳菲未入眼粉飾苦無漸譬諸國事
蹙符頌諒所歉西鄰好門戶霜葩爛燄燄醫俗俗未除對
花花應忝我復杖藜窺嘯咏意亦慊得君乃神王孤影差
自貶卧斗招七童荆扉盡日掩此花倘作枕席幾頭風減
寒雲宿遠水折葦塵西風秦吳極天末霜華滿征鴻憶昔

與周生把袂青門中

謂幼海
筇雲

我時小圃瓢殘菊拘數叢所

期隤齡駐又許臭味同搏沙驚聚散此花復瓏瓏思欲致
一束道遠莫能通自謂流離鳥樂樂百憂攻斯才豈易得
一喝俗耳聾所慮毛羽摧不獲天衢沖恨君未識面聊復
述篇終有酒酌寒英浮白呼此公

送少宰劉先生出塞

風聞白簡動朝班幡集諸生慘別顏吏議雖深無死法
君恩未替許生還心傷桂子荷花處夢到金戈鐵馬間此
日文星耀區脫弓衣新唱播刀環

暮春遊穹窿道院并題移石山房

耑居無意緒鬱儀日駸駸福連簡未驛娜嬛地可尋煥風
醉花氣淡日和松陰肉芝頰幽壑隱龍散遙岑禽語荅拊
石泉節效鳴琴乘蹻不覺遠廳室忽已深煙雲結宮闕星
斗羅胸心六天除玉札四極開寶林羽服已迢遞紫房內
蒨參高嶺有元鶴如習卅六音

夢不到帝居心亦超塵表那測天梯崇自嫌兆身小神霄
捧日麗閣道穿雲杳瑤階嶽瀆趨洞戶風霆掉一掩反華
幡神州百靈悄殿脚眠玉龍檐牙窺青鳥廣靈堂自闌金
華樓可眺清露磧丹葩纖飈筵碧篠造境逾菴藹循途彌
深窈翳翳空青林坐待山月皎

赤松不可接玉斧復有孫日鍊黃庭部雷琢蒼山根松巢
招鶴近蕙帳移雲溫覓泉舊丹汞鑿土新芳蓀金膏上光
氣照破千峯昏惟有一片石頑卧如土豚草深叱不記藤
古鞭無痕魚龍孰變化風雨方崩奔我亦騎驢客六淳未
邀恩良醜且自醉佳讖姑勿論

中吳紀聞云穹窿石移狀
元來歸蓋宋時諺也許道

士構新居齋額
題名本諸此

花雨洒古壇松風清別院塔焉檇梧暝悠然藥華見學道
艱穿井去景速轉電百日齋當持八會書可繕金魚要盟
誓玉佩得真傳紫鳳晨鐙輝景龍慶液鍊卧斗七童招奔
月五妃薦刊名易遷宮校格陽寥殿惜哉乏仙骨流浪持

塵面羽文心自凋胎尊形已變遙呼大茅君霓旌結悽戀
偶采百花作枕亦窺人之小遊仙也記以詩

埋香寂寞盼春臺一枕凌波步未來凹凸花空傳粉黛俳
徊餅漫熨松煤收將蜨夢青鸞帚補得梨雲白鷺綰此後
擁衾思落月陳芳國裏媿詩才

燕子啣殘淡日徙爲憐百末託紅粧白姑不耐心齋守黃
妳真於眼食宜紙帳客重尋舊夢錦屏人早悵空枝妙花
他日諸天散又是蒲團枯坐時

初夏卽事

蠶官賽後餽饌焦檢點芹牙與菊苗頗自養高緣愛嬾尚

能隨俗不嫌驕鳥如奏伎琴心暢蜂正開衙花氣調約畧
聲名亞潘閔新詩誰爲繡生綃

偶題

喜聽深林鳩婦呼秧田已拔豆莢枯頰肩擔麥爲養食素
手抽絲作嫁襦潤聚螾垣高野稻暖開雞柵化羣雛先生
空把農書讀那有瓜疇及芋區

三間玉茗填詞屋十笏維摩說偈龕梅雨作陰愁應璩棟
風催熱困嵇含舊題伸紙衣魚走新蔭齊簷轂雀探一飽
黎祁尋蜨夢連耒聲促破餘酣

古松

幽澗花自落高巖雪已殘
萬牛辭玉壘孤鶴下金盤
樓閣三層迴風雷六月寒
惟應劉越石長嘯繫征鞍

新竹

觶觶貓頭茁氍氍鳳尾陰
洗桐方倚檻呪筍又成林
涼夢搖冰簟幽歡叩玉簪
小樓燈一炷風雨送秋心

五月初一日泛舟白蓮涇

鳬翁低亞雨絲斜籬落聲喧轉
羅車又是女兒佳節到鬢邊
紅壓石榴花

明妝繁吹動江皐白馬何人駕
怒濤滿目蘋花愁暮雨最宜飲
酒讀離騷

是日初試龍舟

長句荅蔡明經

光裕

追憶荔支

蔡侯粵裝一舸歸鹿蕉鴻雪皆堪思茗乳鑪熏坐長日可知荔社開山枝略似海棠甲西蜀寂寞追想方成詩喃喃欲說已流沫增城挂綠尤道奇官園嘗新珍自昔行厨每致二千石忠州白守忘遷謫一幅新圖詫朝客憶君抱鉞遊跡多烏絲醉草珠孃歌猩紅已飮櫻桃頰鳴綠還傾鸚鵡螺嶺表一夢寧空墮手揀果箱三百顆絳綃玉膚粲瓠犀瘴雨蠻烟無不可從來尤物皆荒陬欲歸更作三年留不知當年扶荔館馬鈴犀角如此不滄桑遺事楓人憶黃袍青葢曾攀摘艸木何知亦破顏至今色味稱殊絕剩水

殘山失御園木棉花染啼鵲血承平事事皆足夸紅塵一
騎傳五家端明之後稱家癖只惜未造頭綱茶我甘橡栗
偃蓬戶有舌雖存澀如杜他時若訪上林簿不忘唐羌一
諫疏

題周氏米堆山墓田圖

燒筍題詩卷麴塵石泉槐火幾番新小雞山下樵千束輸
與江湖老散人

宰木風搖原氏阡峯峯出沒點蒼煙披圖重觸孤生感破
屋敢塗已十年

幼學堂詩稿卷九

幼學堂詩稿

庚午秋至
癸酉夏

吳縣 沈欽韓 文起

雙忠祠

宋丞相李庭芝
洎都統姜才

沙蟲猿鶴弔斜曛
廟兒猶偕南霽雲
亡國尚留乾淨土
橫江只少背嵬軍
旁皇漢上長圍斷
狼籍厓山殘局分
差是小朝廷不愧
牙牌終寫宋官勲

董仲舒祠

維學皆雲霧斯人
卽鳳鸞五經希聖
近三策畜君難齟
齬眞同賈袞遲可
繼韓披帷辦香奉
不敢效劉蘭

梅花嶺弔史閣部墓

幼學堂詩稿卷十

一

北風白雁泝江來戰鼓無聲巷哭哀一死招魂空大鳥千
秋灑淚其寒梅家居已付纖兒壞世界真宜鬼籙陪

用閣部家

書中語

咫尺淮南開幕府可憐喋血少姜才

洪桐生太守招同泛河

蜀岡啣落日遙接楓林丹微風動衰柳皎月橫曲闌蟲振
么弦急花綴幄妝殘綺疏水痕上石磴煙杪蟠秋光淡天
末黛色分江干苔深礙遊屐萍密開釣竿詞宗展秋興僑
客敦古懽雁愁江雲暗蜨夢草露寒燈火喧逝影鐘梵息
哀湍一編延孤岡清涼砭肺肝

秋杪桐生太守復集河干看菊疊前韻

花光蘇病蝶窮秋有還丹新霜染盃妍造物興未闕索耶
招語熟素娥顧影殘攜鉏六枳繞背觴雙鬟蟠果牛駕東
府竹馬迎長干畦富錦步障捷嚴豹尾竿般若何處悟本
微空際懽用大洞真經語頗思銀缸影稍添翠袖寒公明凋家衡
正則傷江湍一飄天隨賦漫累安邑肝

初冬桐生太守招同仲符吏部慎伯孝廉孝逸上舍
集河干從山尊學士乞酒一瓶復用前韻

西風催刀尺機杼懷王丹墜薜打窗急載酒遊屐闌黃團
冬心抱綠駭秋容殘百年強弩挽尺土孤根蟠蘭襟偶邢
上醺舫追吳干霜稜歷沙渚日光淡旌竿異苔繼芳躅舊

雨拾墜歡倚樓楚澤遠吹角蕪城寒鵲巢復月雁戶磬
驚湍延年在美意骨結祗傷肝

真州雜興

江介新寒病骨砭隨風榭葉舞青帘院開鹽鐵均輸廣地
雜椎埋疏捕嚴破驛封書題雁足孤城擐甲泣龍髯羈愁
莫上南樓望映水三山霧沒尖

東園水木曠城隅冠蓋風流迹已蕪高浪隔江如睥睨亂
雲匝野作穹廬打魚小港鳴沙狗伐荻荒洲語訓狐落日
正銜仙掌路也添紅樹映黃蘆

孟昭明府招同郭明經

麀

查明府

揆

遊北山寺用宋

王逢原韻

墜蔕影中吹鬢亂晚鐘聲裏覓心安
曾來香國張南史
騰寫遼材王孟端
山鳥欲催詩思涇
檐雲如護酒波寒
纓頭通倚荆扉笑可解
青青北固看

攜琴調水穿林樾
小坐蒲團差覺安
雪意淡尋驢背上
茶煙青裊佛眉端
邨如香篆縈林曲
江作韉紋襯日寒
不擬習家池畔醉
風流冠蓋許人看

前韻送祥伯伯葵歸里

遙山欲喚郭忠恕
老子頗哀辛幼安
醉晚酒材供十日
窮夸詩筆冠三端
關心墨綬腰先折
到眼青羶骨自寒
此日

圍爐今舊雨
酡顏好翦燭花看

歲云莫矣留無計
茅屋滄江臥較安
老鈍嫌同芻狗例
生涯劇向棘猴端
綺懷檀板輪三變
通病絺袍坐一寒
佳釀應傳長官號
寒廳留得舊題看

祥伯伯葵各有見
贈之作仍前韻荅之并示孟昭
夜闌還作聯床語
其是勞薪莫計安
肝膽照人猶未老
風塵取友定能端
祗諳冷炙殘楮苦
先怯瓊樓玉宇寒
何日西湖尋舊約
推蓬煙雨笑相看

湘靈石詩用東坡雪浪石韻

并序

石在眞州城西門外俗云美人石高三丈許阮侍郎易

今名志載汪氏榮園遺一石號小四明者以地攷之卽

此石也余與吳江郭

廉

海昌查

揆

吳縣李

福

先後往訪

之惜其流落日就剝侈與郭查二君共爲詩紀之并邀
孟昭大令繪圖焉

蒼厓劃破雲移屯體勢不借他山尊月波穿漏蕩孔小雨
脚刮摩鏡面昏督郵奮袂戀古戍思婦含睇愁荒邨老龍
遺蛻閉水脈孤鶴無夢昇天門野火或對押牙語修篁不
返湘君魂猶憶瓏玲門翠葉忽歎呀豁危苔根黃帔紛紛
列網運赤岸磊磊留鞭痕甲乙佳品重款識滄桑軼事那
追論碎額已中巨靈斧洗頭誰侍仙人盆百牛輦置亦易

事東園觴詠風流存

琴鴈方構新室祥伯伯葵其擬移石置之仍用前韻

山肩兀立如案屯下視蓬顆猶爲尊野狐銜骨拜月黑怪

鳥側翅嘯煙昏擁妝不伴御史廟

見太平御覽卷四十八消山下有消御史廟孤

石聳出似婦人

艷妝而坐披衣應號貞女邨可憐奇礪失池館若我櫺

具潛監門湘雲黯淡竹墮淚朔雪皴瘰梅返魂龍宮搜牢

爭浪窟羊羣拋擲埋芳根往矣喚起鶯花夢塊然飾此烟

墨痕磊砢聊與石丈揖摩挲莫其銅狄論呼酒竈燼覆一

斗哦詩覲緒拙三盆苔岑結契信非偶石有時泐名長存

琴鴈新室落成題日湘靈館似有徙石之意酒後復

與祥伯伯葵用前韻以堅之

千畦青稻無東屯宰官鶴俸愁空尊檀欒拭翠照几席
惝恍留客吟朝昏復恐盆池少邱壑浣衣石聘西施邨
暖吟鬼嘯訴遠浦松釵蘿髻辭蓬門縱無奇章富甲乙
猶令米老縈心魂峭蒨得勢礙月戶妥帖有意栽雲根
麋九好助烟雨態獺髓不補斧鑿痕槐陰臥遊作是想
仇池百頃安足論人林俊侶爭刻燭松明爇火挑粃盆
叁名題署仍蕭字酒香墨韻披圖存

縑雲石詩爲伯葵作用前韻

艮嶽列仗黃麾屯丈人新輔神霄尊銅駝歎息隨劫火玉

馬流涕歿重昏戕大觚出幕府白沙翠竹圍江邨黛峯
故應亞鴻案血山不合羅朱門綺羅平章風月事蘭芷前
被騷雅魂落花爲茵綴苔面纖羅作帶交松根觀河同皺
笑髻影彈琴欲暖縈香痕烏衣應作華屋感巾箱猶其喬
木論竭來挑鐙翻翠墨每至落月傾金盆期君宦成具廉
石雲煙過眼斯常存

小疾遣悶

宿疾難祛漸廢書寂寥猶向枕函舒手慵眼澀終拋却結
戀胸中故有餘

雙藤老屋圖爲孟昭題用郭

廖韻

憶昔客居望衡宇老藤翳翳籠天街草痕欲新趁雪澤花
光已灼驅風霾笑脫烏衣傾越酒狂燒樺燭呼吳娃江湖
相忘脫金鎖山林長放懸銅牌怱怱席帽分去住咄咄墨
綬添遣差涼簟移陰夢招蜨曲闌溜雨涎縈蝸摩挲聊爾
圖繭紙會合那計跟麻屨花開花落雨爲主舊雨今雨何
者乖平安孰語晉陽竹僣僣復蹢長安槐殘醉重扶向紫
陌舊題一往窺空齋只虞狼籍換雞柵或嗟攀折萎鸞釵
芳蘭惠開視刈草小松子美愁燔柴臭味差池固俗習性
情寄託眞吾儕一官讀書對松桂百城聽政森模楷音皆大
尊五石我無用枯桐半死誰置懷倚井扶老因樹屋高歌

不作枚臯俳

阻淺丹徒用祥伯伯葵渡江韻

江岸霜清江水渾
柔腸轉斛在吳門
孤舟與雁沙同宿
一鉢如僧髮未髡
愁水愁風空自計
送春送歲幾堪論
家人屈指經腰臘
此夕顰眉燈穗昏

吳俗謂冬至前一夕爲冬至夜

長至偕陸生

獻

登曲阿僧寺因乞酒仍前韻

平岡鑿斷井源渾
車耳斑斕走白門
山作連眉猶補劓
松矜長鬣肯輸髡
小兒杜牧今成憶
名士劉繇向未論
最是寺樓閒倚處
酒兵一快掃塵昏

丹徒懷古次前韻

七字吟成笑許渾古歡憑弔問松門風吹水學僧衣瘦霜
沐山辭石髻髡鶴筆樓頭成缺望麟碑泉下冀原論隔江
鐘鼓遙相答雪意漫空鳥道昏

守牖二日村遊遣悶復疊前韻

簪簪斜日洵河渾僧廬鵲巢爭一門凍鳩對語韓非吃瘡
竹橫枝季布髡堊戶束茅僅皮傳占歲傳芭工目論杜野
小辛愁疏鑿狡童莫復嗤岑昏

劉編修

嗣綽

招集萬柳堂

懷鉛充郡賦襍被恩逆旅登眺遠眊勞煙水清夢阻良辰
盡朋簪幽棲叩禪戶稚泉滌塵襟修岑擴眉宇庭篠遞清

風林禽喚新雨垂柳綰古情飛花散春緒人物南州徵耆
舊中朝數鵠板翳詞科馬廐荒賓墅稱譽臣朔衍沈冥蜀
莊處榮名非所尙毀迹庶無侮

阮雲臺侍講復集同人萬柳堂余以故未赴作詩奉

呈兼柬朱山人

鶴年

都輦聲隱麟城隅勢清曠白雲隔前塵野趣融素尙土潤
水木腴春晚林巒漲啼鳥酒樽邊落花衣袂上纓弁乖末
遊錦鏡違遠望松門翠可圖柳塘綠似釀新荷歌未續古
鐘字應訪懷舊游屐殷關地吟悰暢苔垣蜨粉綴槿籬茶
煙颺風流繼晉代嘉植作屏障

朱山人始募種柳以復舊蹟東晉凡牧司上臺於鍾

山下種松栢數十株見
樂史寰宇記昇州下

德清徐球

之配袁氏才而天述哀之作情見乎詞歸

安嚴君

元照

爲賦惆悵詞以代徵詩復介倪君

和

孫

來乞予詩因題三絕

中郎嬌女叅軍婦共拜雙星只五年今日畫眉人不見雪
衣嘸殺綠窗前

簪花玉帶袍猶在檢帙金泥燭未消如此雙清成宿世月
中霜裏總無聊

一枝紅豆那堪折好在潘郎髻亦絲滿院西風吹落葉挑
鐙細寫悼亡詩

秋杪真州官舍夜坐有感次韻東孟昭

老樹聯吟倚夕陽
流年瞥眼挽弓強
風塵我欲求禪定
詩卷君能署醉鄉
鶴夢宵沈碧蘿影
漚波秋老白蘋香
宣明面目那堪近
只合蕭齋語對床

齋鹽辛苦賦山居
便畫神樓計亦疎
拙到言辭緣乞食
愁彌天壤是知書
破瓢回首驚疇昔
斫研伸眉抗古初
好是風流屠赤水
清吟靜對玉蟾蜍

魏文帝東巡臺

方舟下淮濱
戎路臨江渚
長風捲白旄
羣水耀赤羽
獻觴羅侍臣
揮翰頌英主
呂嘉可繫纓
蹶由當鑿鼓
寧知彼有

人夜出千樓櫓鐵馬百閑瘖畫角數聲苦祖龍未駕黿佛
狸空射虎朔雪戒歸途春水生極浦雄心翠華消伯圖天
塹阻孫郎自娥媚豹尾從車豎

迎鑾鎮

延和閣殂仙公髑髏山高鬼火紅迎鑾鎮覲真王黃龍戰
艦繡襦襦卅六英雄半橫死艱難門戶付弱子狗脚朕披
蒼鵝衣翟虔家諱雨爲水壯哉朱亥州手擲逆豎頭竿上
金鱗化龍角楊花三月飛邗溝老奸豚犬空刺促白須假
子坐黃屋白須黃屋此經過轉眼復唱檀來歌

訪元使郝伯常被留真州忠勇軍營故處

軍府行人老平章召寇深北來蘇武節南向魯連心潮落
魚蠻唱風高馬客吟退飛甘作鷁浩蕩帛書沈

拜真州文丞相祠

破碎山河一鳥投蒼茫宮闕六鼇浮草間涕泣南冠侶壁
後紛紜東府謀揮手自題蘇武像脫身誰刺伍胥舟瓣香
應共厓山祝魂魄那能戀此州

靖南侯黃忠桓公墓

奈何帝已白門嗁半段槍同斷碣題一局神州誰下馬列
營諸將本連雞劉超濺血猶帷幄韋粲游魂失鼓鼙尙有
龍髯攀莫逮鼎湖回首塞雲低

仙人掌絕句

春夢如絲絲羽催搗衣石上羃青苔一鈎阜角林邊月招
手桃根打槳來

鈿車一去雨瀟瀟鐵馬瓜州望海潮江上芙蓉好顏色女
兒愁殺抱胡腰

書楊德祖事

楊公四世清德漢祚將終稱脚攣不復行與范粲臥起車中三十六年者何異

而德祖馳騁伯朝交歡公子與人家國事豈惟爲祿仕哉其死也固宜老牛舐犢之愛非其本心也

房繇蜀錦致王宮閉戶傷心火運終怪殺小兒強解事却
將伯府玷清風

趙忠毅公鐵如意歌

在吳王松侍御許乃吳僧默可所貽

疆場門戶紛門蟻夕郎拜疏苦充耳宣與浙與朝局訐維
持正賴數君子堂堂高邑翊名教奔迸濁流貫濟水四害
四凶快一披小銓冢卿歎三禡一尺精鏐創血銘縞紵慨
恍遺佳士廣平之箸司農笏非假清談要佞指東林首善
鬱相望四明南樂與終始雲霧暫開鳴鶴應羔雁成行家
術起國手舉棋數著了蕭生牢獄困奸宄見泉無子可奈
何委鬼抵巇遽若此當時二十四罪疏立仗臨軒拱手企
胡不聯袂觸領爭鼠輩一擊破膽死惜哉指揮不早定珊
瑚粉碎漫作使雁門月影獨速舞玉麒麟泣塞烟紫唾壺
擊缺復抵几朝堂鑄錯良有以珠囊壞裂神劒飛頑鐵土

花珮戈擬山僧說法麾天魔端公得之老拊髀簪筆雍容
懷古心引杯相看淚光泚

蔣子文廟

刻木元同殞揚波魄更強帝階先漢壽仙骨遜南昌輦挽
黃牛姬旗開白馬郎鍾山符命歇寂寞薦椒漿

用吳猛見
宮亭神語

偕孟昭至廣陵夜坐談詩頗觸往懷率然有作

蹤迹雲龍久不忘折腰搔首髯俱蒼僧終行脚無茅屋婦
已當家輟繡床甘苦頗諳用吾法鬱伊盡豁得卿狂鐙前
最耐思量事夜雨攤書古佛旁

秋陰閒齋登穹窿山留宿許道士山房

涼風卷瓜蔓檐溜入耳冗仰屋聽婦愁不遑如枯萃林曦
引圓笠曠望已高隴蒼鼠松頂窺濕雲巖竇擁嶄然碧痕
洗戍削不敢踵颼颼復颼颼撲面嵐氣涌巖根蒸玉液肥
入芝朮種奔泉快一瀉聲斷卷石捧寒知山骨孱峭作吟
肩聳盤空出煙髻獨立若矜寵更憐秋士心振奇相慙慙
飛鳥蹴林光俯視羣山拱諸天忽破顏翠靄衣稜重試窮
簪帽峯躡躑我猶勇

簪帽峯爲
山最高處

琅然步虛聲煙霏引鸞嘯沈沈洞天中孤問延四照夜登
閣延堂欄楯森周徼眞官與善神幡颭肅衆妙土皇發瓊
笈一一供詩料綠影淡桂馨星斗屬精耀秋氣入無間百

巖皆苦調鐙光閃青豆客共寒蛩弔清夢不離山白雲如
絮遶山鬼浩呼風涼蟾墮海嶠泉脈貫聞根曲折雪靈竅
流鈴戛檐牙吟魂爲一召思惟恩熱屬顛倒端自笑拓窗
延曙光千丈崩青峭擬誦秋隼尖詆蕩天門叫

晚出京口

沙岸潮痕淺舊磯笻筇幕記銀刀肥白雲映水雁初到黃
葉滿山僧晚歸漁火與星銜極浦蘆花如雪瑟征衣何如
雙槳劃江去三詔亭邊弄夕暉

盧忠烈公麻衣像詩

像見於宜興
吳處士所

蟻如象蜂如壺土伯髣髴血肉屠天遣魔君壞世界盧公

扛鼎神臂何能扶分四正列六隅十面下網之勦局事有
無債帥如鼠卒如鬼何況柏直乳臭分麟符勦餉練餉一
千六百萬啖賊賊飽創復腴長鉦黑稍建旗鼓惜哉盧公
分勢孤襄洛未靖邊事急銀刀疾卷帳下都投杯奮起角
鳴鳴覬當大敵親援枹燕南趙北旄頭掃神兵儵忽如拉
枯阜雕無復白鳥驅阿衡醉魄縣頭顱痛心勤王起聖室
酸淚被面冰凝須佞臣不決尙方劒羸卒畢命由中樞手
橫白削努力飲此酒沙蟲援鶴生死與爾俱十盪十決圍
益合愁雲忽破血貫朱三升棗盡飢腸紆半段槍搏瞋目
呼鐵象悲嘶臣力竭甲裳碎落包麻繻死年正同岳鵬舉

老兵雪泣貂鼠俞猶幸不入風波獄是何雞狗猜庸奴想
當巷哭爭欲鑄金祀何人寫出負販颯纒長身癯貌瘁神
傷忠孝志氣薄霄漢湛清臚我昔策馬賈莊訪戰地太息
青燐白草驚沙折鏃血饑餬復來長橋竹屋拜遺像白波
青嶂公欲於此尋釣徒可惜五明驥從公亦甚瘖但飲長
城窟不飯桃谿芻死疆場死西市三錢賞格只恨不伏辜
孝侯周督師虛功名雖異忠無殊於乎銅官峩峩有此兩
丈夫

眞州守苗公再成祠

赤制彈丸保黃圖棄甲多降箋騰破竹哀詔奮提戈周訪

雙甄列韓穿毛覆羅偵濠煙迤穴斫寨血流韓鉛淚窮天
水縑衣送木波拂廬傳站狗權火應更蠹扇雀拋楊妹鈿
蟬失孟婆截江宣義從奪駕欲誰何組練明樓櫓艤屬
鸛鵝土豚先作過泥馬竟難馱逐客鍾儀免單船庾亮過
慨慷鳩鐵鹿痛哭訴銅駝幾奉劉琨誓偏遭審配訶下符
催刺促閉壘歎蹉跎麥已陳焦爨矛如錐缺磨別誠知必
死南八笑無它滿目蕪城賦傷心隴上歌載車聊刻木投
檄漫求河

謂統領官趙孟錦先戰死

肉薄推羊腹撞緣瞰離窠外門衝

大楫間道仆屏騾握節歐刀伏揚濤蜺羽摩一軍魂化鶴
萬戶飯爲螺劫劫終殘局軒軒厲鴛痾虛堂尋敗鏃故塹

嫋新荷石室零丹粉圭碑繡碧莎阜雕盤佛髻白雁啄魚
蓑蠻觸添冤鬼滄桑玩影娥冬青黯消骨晞髮涕滂沱

寄懷畢子筠同年時以教習留京師

結夏哦松其老舒

謂舒鐵雲

燕山風雪渺愁予虛名已作羊公

鶴萬事真同韓子魚四姓小侯新箸錄五行章句舊傳書
可知宦學期遊子但寄寒衣輟倚閭

仲冬初旬孟昭邀遊資福寺遂出郭過秋水庵

無山貪適野有寺愛離城白小跳疎網黃團倒舊棚居人
依竹色歸鳥挾江聲坐聽瓶笙籟寥天淡遠情

寒夜與同人爲醵

天寒宜貰酒夜永欲添更作客求歡笑評詩貴老成起看
星影轉坐待燭花生努力非疇昔年華已暗驚

次孟昭冬至日泊船京口韻

一箸松明火未灰半弦月落子潮迴地皮潤喜雪爲乳水
腹堅愁冰作胎令節更番真自老中年陶寫不宜哀詩成
卻欲推篷望沙畔雁奴時一來

王編修

毓吳

至酒後劇談仍次前韻

酒鐺已冷一炊灰約略蘭根產氣迴古木遠皴雅作墨寒
雲密裏雪爲胎人多碌碌承三旨我欲芒芒賦八哀覓舉
求官差易了桂陽谷儉不空來

喜周孝廉

儀暉

過眞州存余仍用前韻送周往壽春

訪李大令

兆洛

并寄

寂寂冬心抱死灰故人溫語藉春迴雪欺詩瘦扶驢背月
定波寒孕蚌胎祖逖壘邊雞莫舞劉安山上鶴猶哀遊知
短李黃紬被鈴下傳呼狂客來

歲莫阻雪頗有時晴之望用孟昭韻

雲宜放空碧窗已厭餘明屐齒猶黏未冰花太瘦生樵蘇
愁上市炊餅喜沿城最憶姜潭渡家人聽櫓聲

雪後自眞州至北岸以行李未至枯坐旅店次孟昭

僧字韻

投寮一盞愧行僧風折檐冰透紙稜江岸月寒凝積雪寺
樓鐘動閃殘鐙春如失旦雞無信客比歸槽馬未能料得
尋梅泥尙滑判攜雙屐蹋三興

丹陽道中雪次孟昭晴字韻

歸途又作氍毹雪纔放林梢兩日晴接水凍雪蓬背重迎
風驚鳥塔邊明飯香鼻證聞思地詩律心參廷尉平却憶
竹弓彈粉手坐看玉戲滿江城

京口緣江進丹徒閘中流望焦山

林蠻媚殘雪滄江故浩然挂帆趁風利海門日正懸千里
間遠樹一氣圍蒼煙孤嶼兀深翠潑墨涵長天緇衣映松

古修羽濯雲鮮魚龍夜中舞梵唄空際傳湯湯逐逝水眇眇隔樓禪茲山有賢達亦復千百年

除夕雨

堂前母老欣承釐鐙下兒長看及肩尊酒已空欹枕臥風風雨雨入新年

清明日風雨渡江入三义河口占柬孟昭

抽分關口索錢譁

瓜州抽分雖小船必報稅銀四錢往來深受此苦

敗舶灣頭插

柳斜

有百十糧艘已破壞悉聚河口

心碎孤篷三日雨眼明寒食一叢花

衝寒蹋雪前歸客夢水愁風又去家可惜北山泥滑滑驕

民籠袖試團茶

題許茂才畫梅

新年風雨真無藉未向銅甌折一枝三月繁花媚晴昊畫梅補作看梅詩

冰甌雪盃滌千回正要酸寒見此材奉敕也應添故事宮梅不寫寫邨梅

立夏日偕王明經鼎遊余員外山莊歷寶坊寺時孟昭方以病乞身不與拈山谷坐窗不邀令人瘦分韻得坐字不字仍邀孟昭同作

一雨春絲蘋衆綠意帖妥新賞羣鶯招離思亂雲裏近水喧趁人遠山默導我幽草向門開落花先客坐石林峙蒨

蓼鏡淵委澹沱新眺豁簾鈎散行觸塵鎖香泥感舊雨青
枝見初果庭莎鋪縵勻磴苔帖鈿鞞返照江皺鱗迴颼煙
捎朶境窈萬竹當心寂一亭可尙恨炎歊遲已令魂夢墮
曲闌遶逾忼重扇望猶頗機聲柳吹絳餅香麥垂顙歸路
清楚唄入林結薪火

春雲空色界夏火孝植物粥鼓廊齣齣幡林堂艷艷妙花
試手拈疏班遞腹熨林光蜨伶俦巢痕燕仿佛眉異葉舒
榮心與煙裊鬱塔焉證內忘道爾禦外怫慧地勤宿悟美
疾勇新被負薪愧被裘留犢美解紱得食思安哉李尤安
哉銘曰
食彼美珍思
此鹿鳴也載飛歎夫不蝸迹舊題添蜂衙小惻訖茶鳴

詩瘦通筍泣老饕掘振衣袈裟香出門蝙蝠拂剎那聞鬼
波少分修士乞茲遊信前塵得句怕呈佛

夜坐懷孟昭明府

雲龍追逐竟如何篇什題襟近較多酒味遲爲清德頌鶯
聲催作去思歌功名此後成蛇足心事從前付羯磨免使
毛生強捧檄鹿車早已辦行窩孟昭具乞休之志詢諸太
公則欣然曰吾早決之矣
貧非吾患也欽韓
每歎息以舉似人

仲夏偕倪米樓訪孟昭於樂儀書院東城觀河以花

開十丈藕如船分韻得十字

日長何所爲閑置多快悒骨相合酸寒耽詩嗜米汁音寂

作啞鐘心源深莫汲洗盞孰歌缶每頓脣略濕不遑可奈
何薦于憶此邑眼前俊侶多狂呼遂忘揖主客相人偶酒
兵那可戢東城萬荷花紅綠工鏤鍛衣瘦翠浪翻鏡塵珠
光浥氣象頓生新粉本吾儕人瓊枝酒籌分香草詩料拾
數橋當第五蒸餅效坼十猶思太華蓮一快碧筩吸斫膾
列長筵池底老魚泣高歌涼風招清談妙香襲忼慨驂騑
道策厲吾猶及倫類孰妍媸面目轉羞澀屈指追歡悰寥
落如荒集況茲却炎歊長松欹圓笠最憐信天翁煙外伴
人立熊侯亦好事洗筒屬篇什抽思初徐徐稍叩啟結習
若使十日留應辦束筍觴告歸殘醉扶蓬背雨聲急新夢

化酒痕跳波驚濺潛蕪城十萬家餘韻倘能挹

岳忠武王官銜姓名銅印歌

武勝定國軍節度使開府儀同三司荆湖南北

襄陽路宣撫使兼營田大使岳諱之印案本傳王以紹興四年授清遠軍節度使湖北路荆襄潭州制置使封武昌縣子五年領鎮寧崇信兩鎮節度使進侯平楊么加檢校少保進封公六年改武勝定國軍兩節七年除宣撫使營田大使九年授開府儀同三司

伏波章司農印金龜顧盼酬國士當年堂印綰者誰辱等
墜厠無足齒南薰門前鐵路步留守司中策名始大小二
百餘戰不惜死直抵黃龍痛飲爾老墨舞動東松庵熱血
湔祓桃溪水耳環墜蜨帕封淚九哥宮中何忍視眨眼長
脚誤蒼生禾絹士師奉一紙肉簡脾忽擊生雕翦頭仙莫

測怪豕精忠報國四字炳天日向時五郎努力老嫗喜可
憐九曲叢祠弔翠微來日東朝道服老淚泚百番御札盡
沒左藏庫金蕉繡鞍星散可知矣何來善銅方寸剗陸離
快劍長戟欲喚將軍起六百年中鉛汞洗金甲光開綬曳
紫結髮初階秉義郎最功始領兩節使襄漢再造中興基
屯田議立壯軍壘惟憾三司崇班最後除慨忼力詆求和
恥想其奮草恢復疏紫泥檢押臣飛取進止直透紙背魯
公一筆書盤窠淋漓心肝相奉有如此嗚呼牙脾官銜夸
鼎鼎趣刻趣銷易餅不直一錢耳忠孝侯印數有幾磊落
天壤何用藍田璽漢壽亭侯前將軍丈二之組合璧擬莫

令許允相莫令趙堯睨若輩但知全軀保妻子

題金壽門鍾馗雨中張葢圖

沿門偃子打夜狐髯君坐鎮形睢盱貌出髯君亦不一畫
家草聖供戲娛翠巖三昧金農繼人道鬼趣參不誣鐵圍
山高噴龍噓紙衣窸窣尤易濡塞驢席帽非昔日如羊蠹
蠢調吾拙敝葢那同蕭四繖巾角墊矣胡踟躕不知此鬼
喉生火正欲張口承雷隅祇恐黑風猛掣去亂飛秋葉空
號呼吉莫之韉久踵決蹣跚接武僵泥塗歸來袍袴須澣
濯頰頰重勞小妹乎書生動慕八騶驅此公毋乃先挪揄
行路難歌人世苦黃泉舉足仍趑趄金農生活太作劇酸

寒面目充描摹不如畫作威德鬼高車大蓋夾道趨

瓦松二十韻

薄植依令適叢生號昔耶龍鱗摧碎纈鴛鴦結重桎細雨

蒙先潤輕烟著已遮銅池栽幾稜

去聲

寶相插雙了韞雀巢

痕挂瓜牛篆勢拏後天輪晚節初地怯新花峭蒨承鴟尾

參差錯犬牙陰虬宵夢冷野馬曉光斜樓角孤峯占檐溝

夾澗訝螢棲枝挂月蜨度蓋含霞牆上蒿應附門前莠漫

嗟梨園終去國草市乍還家齷齪歆金字茸茸砌水窪陳

根竄蒼鼠昨葉懸羣鴉風碾香姜礫霜封素奈髻不知華

屋換猶向部婁夸蛛網絲蘿密苔紋雪霰加縛茅隨敝帚

梧鼎變枯槎涼色閒銀漢貞妻上碧莎
蘼蕪翻隔斷多恨
畫簾義

雨後觀荷河干三截句呈桐生太守

金丸場地餘酸盡翠釧擎波新漲侵寬放
雲窩樓閣外不
宜晴色只宜陰

荒灣半不插扶蘇對喚亭中水鵝鵲穿破柳
煙煙貼水釣
絲風引入菰蒲

老柳綠酣親暝色金浮屠立夕陽招野花
挽檻欲登座水
鳥掠船先出橋

昭陵六馬圖歌

角聲沸天房星落八尺真龍地上躍奮蹏一嘶萬騎開電
掣羣雄以次削貞觀琢石元祐摹齧剝權奇今豈乍暫看
憲宰噴風沙細思蹴蹋排鋒鏑折塹城外勢破竹雀鼠谷
中風埽穽一鞭箭雲塵撲面三日息鞍血流膊元甲還同
黑稍公邛山板渚窮寇搏魚鱗札裂貫蘭筋死驥哮呀生
虎縛沼水合圍堅敞攬負鉏不了快刀斫六駿馳驅遞五
年麟趾褒蹏功照灼狂刃寧中威喜芝虬髯真人氣磅礴
當其汰輶託死生白肉流矢驤首嚼千金駿骨重邱山不
求老就天閑絡天策上將天可汗駐蹕猶勝金甲著十驥
來從骨利幹佳名一一精鏐鑿惜不驂靳六駿間攝幘插

羽騰廣漠降王像列司馬門功臣肖像凌煙閣風髮霧鬣
玉輦隨潛虬氣懾之而攬東渭橋頭旗閃空夜半歸來汗
尻脚馬上得之三百年龍驤封號應慙忤九嶷山崩寶劍
飛苔剝泥埋失磊砢好頭赤與照夜白曹李丹青不可作
案圖索駿亦渺茫把酒高歌呼伯樂按趙嶠遊九嶷記云
六馬皆以片石刻其
半左右列各三攷歐陽詢書贊刻石殷仲容又書刻馬座
今馬身半刻而無座字製亦不類唐人据此則文德皇后
崩時所立六
馬已亡矣

歐陽文忠生日桐生太守招集桃花庵卽事次觀荷

原韻二首

鳴遂竅抽蚓注研嘑銜鴿獵紅芳沁衣漲綠光映榻辦香

先詩派古龕數僧臘多情蒙谷攀遠夢西湖匝卷波荷葉

拘聯臂柘枝蹋

見歐公荅通判呂太博詩

憑欄山色晴開閣市聲雜徂

歲五馬睽繼詠六題揭岱斗契前修衣鉢替新納奇數磨
竭宮高文興世塔惜無知白琴林籟邀拉颯

使君慶懸弧州人齋放鴈絲竹冷貢亭香火親禪榻一邦
得兩賢師生占伏臘摘蔬青甲莖插花紅粉匣衣桁喜母
緣簾鈎巧婦蹋蘊思舊醪清霏藻殊翁雜幽谷企老仙宦
迹傳官揭却笑堂僎厭苦把告身納蝨黠終乾書龍貪只
鎮塔眼前琅琊守莫歎鬢毛颯

桐生太守以盆荷開作重臺詩見示索和輒抽鄙思

奉呈二律

一萼迎初日青猿笑語譁鬢雲含聖果彩筆燦心花對鏡
春風憶如船老境夸講堂槐影寂細展玉雅義

正憶虹橋路花扶四壁紅瓊臺捧長爪珠露湛方瞳光氣
文章外精英草木中自憐蓬藿徑應占宿田翁

蘇唐卿篆書醉翁亭記碑

嘉祐七年立於費縣

雷轟薦福碑龍攫瀧岡表醉翁不到古琅邪宦蹟繁殊筆
畫好永陽小謫三頒春名雖爲翁顏未槁豐樂亭邊野杭
香懷嵩樓上山月皎飲酒歌沈遵彈琴效賈島仰企元之
題畫像近嘉徐生注史稿熟除已聞替張奎菱谿花鳥離

緒攬山僧作亭太守記退蒙鄭重青瑤字

舊碑乃陳知明所書退蒙知明

字見邵忱石刻詩

云何翰墨緣兩地苔岑契一緘遠謝蘇唐卿殿

丞僞筆摹槐廳早衙吏散叩釵股璫椎響揭夸東京嘉祐之末篆石經薑芽騎省與夢英誰爛熙古撥鐙法蟲蝕瘠竹沙齧汀計公押字黃紙尾蒼顏白髮真老矣庶子泉銘出少溫向來州治詫無比走告蘇與梅乞詩共鑱青厓裏此碑黜黜差不殊醉翁爲歌李潮乎艸書篆勢各臻妙頑頑書錄有二蘇謂子美子瞻亦寫元祐年彈章追按琳琅鐫見周輝清波雜誌惜哉崇寧逞椎鑿鑒別真贋疑後賢乃知古碑零落十八九瓚城架砲歷劫有不然亦碎耕氓手高文翠

墨照東鄰副本要乞琅邪守

謂桐生太守

題陳少暘盡忠錄

少暘一死千秋竟重使南荒涕淚橫袖裏彈文張德遠偏

於物望不人情

高宗謂張浚專把國家金帛名器將作人情

戴天履地真遺恨傷往追來漫降恩終是建炎初政好風波亭上哭冤魂

渡河行屠孟昭招集平山堂送伊墨卿太守

黃河浸欲狎南圻竭民膏血水益肥黃河不識渤海廣餘波灑灑隨漕上治河轉漕兩無策愁絕淮南與江北江淮都會稱維揚滂澤蒿目思冀黃翩然舊守指江路五載謳

思來已暮竹馬兒童識道周
扳轅未可送君去公此北行
渡黃河不如渡江迎者多
一麾并期無定所尊酒會合聊
高歌白髮青春皆在眼賤子
逡遁亦持面賓客風流屬吏
賢公不重來公亦戀晴空
堂檻碧雲洗潺潺側聽黃花水
黃河從天向東流素絲良馬來
邗溝

新浴

樓角銜殘暑
蒸紅見紫薇
碧雲當日暮
白露計涼歸
進襪滋新浴
拈題解舊圍
寂寥無一賞
蟬腹引清機

冬至并四日桐生太守招同劔潭太守仲符觀察集

梅花書院分韻

秀鋌芊平疇柞鄂橫重隙講堂靜老禪一瓊冷於簾寒香
沁冰甌筆花不可斂誤書思更適周易牀頭點詩城况屹
峙技癢旌扛掩折簡循舊盟國大不恃險輕齋客兵慚毳
飯望外慊自笑癡腹捫乾螢滅微燄又如老貧女厠迹鍾
郝忝久談引卽深生氣煦欲漸辭源標揭蘊理窟發斗檢
上章鬼名祛持籍僊格貶俗學共于嗟所操唯此儉寒職
映南榮黃縣快新染紙窗瑟凍蠅搞蕢弄風颭誰巢已施
架歲華傷荏苒食飽徑告歸束苴林外閃料理故紙堆橫
階霧淊淊

臘月九日集梅花書院時頗望雪舉宋端拱二年十

二月初九日瑞雪歌續唱以驗之是夕果雪用歐

陽文忠禁體韻

銅鉦挂枝綻寒萼媪神福腹慊陽薄要興來歲禾麥豐正
待今朝雪霰作風高旗尾轉蕭梢雲重檐牙望寥廓吟肩
預聳尖叉拈僂爪期搏鉛汞爍翦冰鳳子翅已零試雨龍
公噓先落宵嚴擁被斷荒雞曙冷披衣思舊貉那疑天耳
聰有偵頓幻地肥飢可攫客輓一笑闕飛鴻市聲百族噤
凍雀當庭晃眼時窺籬出郭聯吟欲拖屨緯耒新謳蒨屋
歡把杯閒譔玉堂樂孔平仲談苑太宗太平興國七年季冬大雪賜學士詩有云賜酒一盞玉
堂閒遙知賸齏齋廚溫更助烹茶石鼎淪通靈秀句禱寒

門絕妙妍辭酬廣漠急褰破曉呼控弦煖帳呵寒催握槊
吾儕作鬧亦徒然縞帶銀盃資嗔噉

題桐生太守所藏吳仲圭歲寒三友卷

特健藥供病居士埽愁帚有老頭陀移燈凍月挂窗紙開
卷長風動屋蘿

橘香酒熟鬪詩脾支起爐頭品字柴著個詩翁成四友只
論風味略形骸

玉梅花下交三九對案軍持擁鼻吟枯木寒巖無煖氣粗
枝大葉抱冬心

青士蒼官渚漫叟周妻何肉問潛夫頭銜格是梅花長日

莫天寒影其癯

丹徒道中

舵底涓流赴吻聲
旌竿影轉夕陽明
曹騰欲睡微嫌煖
一簇桃花正弄晴

京口

江頭隱隱轉輕雷
卧聽篷窗急點來
約略一番風雨後
柳纔舒眼送殘梅

上巳日桐生太守招集香遠樓同王阮亭水繪園修
禊詩題

畫檐聲斷黃絲薄
綠影參差梅未落
聽回鶯錦詠花人道

是首春寒翠幕一絲雨化芳草煙相逢女伴羅裙滿昏昏
倒盡治醵酒緩緩方知賣困天

梅花主人香案吏曲水題詩修故事茶臼林間墊角招油
囊陌上長鬚致古今雖殊感慨同我亦自顧成老翁寒食
又愁明日雨落花能試幾番風

杜陵休賦麗人行解文字飲聊燖盟雨三舴艋波心出了
無緬盼鷗不驚野夫沿歌繞山腳黃鸝翩翩入水閣搖鞭
背花白鼻騮猶是綠楊舊城郭

不知誰占春光早無主園林雨後草新苔澹澹接裙腰此
是錦鞵蹋青道虹橋風日仍清和洗馬言愁將奈何只有

別陽堪貯酒莫將皺面復觀河

兩山出雲雨峯掩臨平盧瞳搖翠激老仙泊宅繼清風尊
并正憶浮梅檻扶筇且看廣陵花番休主客輪畫叉僧寮
載酒排頭賞到處題詩澹墨斜

穀人祭酒訂後
期遊竹西寺

清谿一曲酬一詩薄雲漏日歸遲遲
娵隅躍波水花小露
卯穿徑苔衣滋晉人風味聊陶寫
伸眉不復彈疎野朗誦
南華秋水篇大瓢醉酌古梅下

齎腸所好殊酸鹹屠門未必償清饒
指揮一煩批敕手適
口何藉厨孃摻酒綠燈紅簾額啟
兩頭纖纖碧痕洗良辰
歡樂那可期明年正糴太倉米

春同嬌女藏深閨鳴鳩乳燕終催歸今朝柳梢展綠意纔
如嬌女學畫眉客子光陰那可數瞥眼長淮亂飛絮杏花
春雨滿江南卻羨長官挂帆去

屠孟昭來廣陵
旋往吳中不與

穀人祭酒邀集竹西寺次東坡石刻詩韻

蠹葉新翻蜨腐木未化蟬山寺破宿雨草花弄輕煙謀野
阮孚癖剗壁梵志顛卑枝蜂藪仰危棟爵族懸香篆定向
佛酒波豪卽僊鄉味饗宦客墨痕尾後賢禿鬢對椽燭瘴
海思乳泉蒼蘚印陳迹涼蟾照孤娟鼓吹路已緬綺羅夢
何翩不逢彌勒杖無盡燈空然

題開平王裔孫常侯

延齡

種菜圖

家兵不及拔戟起國蠱不容請劒擬江流不遂抱石死長
鑱老送奇男子後湖春煖園蔬香熱血消盡黃齎腸青裙
葢殷蠶室孃匹耦不媿中山王其配卽魏國公女都督杖痕淚莫
泣此日菜根珍禁嚮滿眼黍離數馬阮文成孫子最豚犬